

道光肇慶府志

肇慶府志卷六

建置三 學校

肇慶府

府學在城東一里舊在舊縣治東七十步宋崇寧遷今所紹興間郡守李麟鄭啟沃增規元季修輯後毀於兵明洪武二年知府李從信鼎建宣德間知府王瑩撤而新之天順初西賊流劫兩據學宮知府黃瑜奏遷於城中東倉地今三司署是其故地成化間知府李璉改學門塾泮橋宏治間知府黃琥重修通判李敏立射圃正德元年知府黃容修大成殿及厨庫十二年通判呂泮修明倫堂及書樓嘉靖六年總制兩廣新建伯王守仁飾堂齋之不稱者十年始奉制易大成殿曰先師廟建啟聖祠又建敬一亭十一年巡按御史吳麟知府錢鐸復

遷今所市民地以廣之殿廡堂舍具備嘉靖十二年都御史
吳桂芳乃於廟後建尊經閣隆慶三年同知郭文通於廟之
左建明倫堂萬厯九年知府王泮買民居開學門臨大江護
以石欄接東西街樹坊四一崧山起鳳一端水
騰蛟一崇儒一貞教又於甲位建
文峯塔萬厯十四年圯於洪水知府鄭一麟重修左學右廟
廟前兩廡爲戟門列神厨神庫泮池橋在戟門外爲櫺星門
南樹黉宮坊十九年總制劉繼文捐贖鍰六百餘兩并知府
王泮黃時雨前後捐助建尊經閣二十九年知府陳濂重修
明倫堂齋舍闢青雲路三十一年復買民地闢圍牆遷起鳳
騰蛟二坊於街外石欄頽泐督撫周嘉謨鳩工重修廟左爲
明倫堂爲四齋東曰居仁曰立禮西曰由義曰廣智前儀門
列號房又前爲儒學門堂後爲講堂卽敎授署東西爲訓導

署甲寅年改建尊經閣於明倫堂後而以廟後舊址爲啟聖

祠東名宦西鄉賢敬一堂在後山頂

中立敬一簋

以石周

以牆督府張鳴岡知府戴禧建知府陳謨修崇正五年知府

陸鏊與通判史延旭重修明末毀於兵

國朝順治十五年

知府楊萬春倡率紳士修復明倫堂尊經閣啟聖祠仍附鄉

賢名宦祠於左右次年重建大魁樓康熙六年推官吳百朋

教授姚士裘重修聖殿雨廡以及文昌宮土地祠戟門泮池

八年颶風大作聖殿大魁樓尊經閣櫺星門俱被飄毀十一

年總督兩廣部堂金光祖廣肇南韶道任垓知府史樹駿同

知韓世林通判董啟捐修四十八年知府王經方重建牌樓

五十七年知府宋志益捐建學署

郝通志

道光二年知府屠

英捐俸修葺六年署高要縣葉承基修前門照牆十二年知

府珠爾杭阿重加拆建

明張元貞修肇慶府儒學記肇慶府儒學初在府治東宋舍
法行隘其地更徙城東一里許富民坊我朝因之天順間為
西倭殘毀成化乙酉前守桂林黃公瑜以問遂內遷今處時
尚急遽規制多未備者於茲重三十年凡百就弊丁未秋今
守豐城黃公琥至甫謁視卽慨然不寧曰茲朝廷教化之原
郡守責也茲弗治餘可知己顧肄業之舍會食之堂尤所不
可緩則首視之凡三十間次殿廡次櫺星門次御書樓次
明倫堂次齋次禮樂器次庖廚次有漸不棘以疾不修外而周
垣亦悉易以磚石舉之維時為之漸不棘以疾不修外而周
至令宏治甲寅秋工始訖訖訖訖訖訖訖訖訖訖訖訖訖訖
益偉而備矣公以教化之所關於諸士子宜申以教化之義
特走書幣以屬貞記貞惟教有本化有源古昔盛時天子公
卿悉身之於上而責其身以被教化者亦然蓋惟講明其所
與倫性分之理泰贊其身以必然非諸士子稽之典籍著之
焚倫性分之理泰贊其身以必然非諸士子稽之典籍著之
有素矣盍反而責之身乎哉道不離日用聞夫人能言之
而身之者鮮必內之無少愧外之無或愆則教化之本源以
立異時進用之湖天子教化於天下次之學實如此然於
一國於一郡邑吾儒成已成物全體大用之學實如此然於
壯行功少幼學功多達施功易窮義功難諸士子在學校當
如行功少幼學功多達施功易窮義功難諸士子在學校當
教育之盛心賢師帥作新之美意真承屬筆敬以是復國家

陳萬言重修肇慶府儒學記高皇帝建學二百餘禩菁莪
 模之澤涵濡惟沃雖交荒僻壤庠序絃誦之聲日駭焉蒞中
 州矣學校之政惟憲臣一人督之賜之璽書責任誠重然統
 蒞廣而周浹難故一切倚辦於良二千石二千石所謂良事
 其能存心教化者鮮若今兵憲王公昔之守端真可謂良二
 千石存心教化者乎公以萬歷八年由尚書郎出守端瑞據
 東粵上游其形勢則山自桂連蜿蜒而南而石室扼其勝水
 自邕桂合而東而羚羊峽東其流枕山帶河蓋粵之奧區也
 石室之前府城之東為儒學中為先師廟為儀門為櫺星門
 其左為肇慶府學右為高要縣學俱南面江蠻門外民居偪
 驛公慨然曰宮牆所以垂青衿列俎豆沐隘弗稱母惑乎風
 氣之埋鬱俊民之弗章也爰出俸金僱民地拓而廣之自
 門至屏衡若千丈護以欄檻外建絳樓二東曰崧山起鳳西
 曰端水騰蛟屏外為通衢下瞰大江登其階城極為崇麗復
 於左方建浮屠高數十似狀若文筆開渠數千百丈通江流
 跨虹橋以東地脈見公所自為記今太守鄭君一麟又於江
 南建浮屠一高廣如之文人學士登覽於此俯眺學宮羣飛
 於前星巖雄峙清渠榮帶長江如練兩涯諸峯若拱若揖真
 天下奇觀也是舉也財不廢公力不病民間有捐金助役者
 聽王公始之府倅董君石曾君孔志朱君士貴唐君民叙襄
 之董其役者則典史楊文潮經始於萬歷九年八月落成於
 十三年六月於是學博賓君時春薛君邦政徵記於萬言曰
 史記文翁治蜀教化一事耳王公守端豐功偉績未可殫述
 而其最者在文教既陳臬事循為故郡畫策成學校所未備
 遂更守志
 卷六
 建置
 學校
 三

之典不但講戈鋌勒師旅張皇六師則其重可知也諸生睹
騰蛟起鳳孰無翺翔寥廓之思乎翔於千仞之上覽德輝而
下之乘風雲而雨天下斯無負祖宗建學與良有司作人至
意若徒甘荼養而稻粱之謀其德衰矣何以稱神哉諸生勉
之荷恩十三年季夏
楊起元重修肇慶府儒學記肇慶爲郡山雄水遠蓋自夜郎
下牂牁始出番禺而肇慶縮轂其口共鍾天下之氣脉爲豐
郡大司馬以節絨鎮撫東西粵則開府於是東西粵文武百
吏歲時奔走請事不絕及兩地緒紳先生與其賢人才士大
司馬所賓禮者亦時至焉名雖爲郡實一大都會也土緣是
形勝區郡守山陰鄭公嘉進多士修聚子業於其間躬勸課
據今歲之夏西潦泛溢學宮之被於水者尤苦不給至於間
焉今歲之夏西潦泛溢學宮之被於水者尤苦不給至於間
士無所止而諸生失其所依乃其貧者尤苦不給至於間
細民蕩析無聊咸哀顛乎公之前公爲白大司馬吳公兵憲
王公次第賑恤之而得出公帑并捐作爲修學宮費毀堂門
廡齋舍庖庫鄉賢名宦煥然一新陶垣登壁令不復水以萬
歷十四年臘月經始明年二月落成蓋僅六十餘日而博士
有所止諸生有所依公勸課猶故若未嘗被於水者嗟夫汝
端人士幸厚矣蓋公所爲汲汲於學之修者匪學宮之急以
汝端人士幸厚矣蓋公所爲汲汲於學之修者匪學宮之急以
成於六十日人以爲速公視汝端人士卽已之子若弟然也工
懼者乎誠懼焉則分寸之陰必惜而肯質質以虛吾此生乎

凡學以學爲聖人也學爲聖人者以學爲人也由聖人之言以求聖人之心由舉業之文以求聖人之言故舉業者學聖人之梯筏也而豈以爲青紫之媒哉故得聖人之真然後能識聖人之真言然後能爲青紫之媒業後儒淺俗失其要領其浸淫吾學也奚啻滔天之水哉夫學宮之敝也可以六旬而修學術之敝也未易以千百而復學者誠知吾木然之真心則頃刻之間立登道岸尙無假干六旬而敢云千百年不可復哉昔孟子之時楊墨充塞獨恃性善之說爭當世之惑而其功與神禹比隆故其自任亦曰禹抑洪水我亦欲正人心我祖宗列聖統一聖真人心無弗正所願多士自正其心自抑洪水以無負於國家菁莪之化如是而已公名一麟爲余同年進士襄其成者鄒孟方君應時郡倅朱君士貴劉君獻義司理傳君國才高要縣令蕭君九章董役則照磨吳中相也既訖工諸生不敢忘所有圖所以紀歲月庠師李君茂魁會其僚區君鐸介予文

爲之記時萬曆丁亥仲春

珠爾杭阿重修肇慶府學宮記肇慶府學宮距城東里許遷建於宋崇寧初元末遭兵燹明洪武初建復天順初流賊再

燬之仍遷建城中嘉靖十年重遷今所明末又燬

國朝順治十五年修復迨康熙十一年總督金公率屬大修

後迄今百數十年矣間有補葺而歷時既久風雨剝蝕日就

頽頽且前臨大江兩廡階墀輒因盛漲淹沒其何以肅觀瞻

而光俎豆郡人士爰有重修之請前觀察仁和許公捐廉爲

倡長白松公亦相繼捐資余則先後兩分薄俸而前權郡事

吳江全君與諸寅僚咸欣然樂襄盛舉至郡屬摺紳士庶無
不踴躍簽題於是鳩匠經營庀材修造以舉人梁振鼇等董
其事凡殿宇門廡垣墉唐涂概行拆建增高基址以防西潦
階陛盡易文石梁柱半更荆木尊經閣舊蹟久湮因鼎建於
明倫堂上大成門外東偏添設小廳二其兩旁逼近市廛向
多侵占踐踏之虞茲特勒石永行示禁是役也經始於道光
九年十二月落成於十二年十二月事雖因而功實創固由
當道之倡率而深賴郡人士之勇於捐輸並司其事者之規
畫盡善不遺餘力以相與有成今日者廟貌一新規模式煥
星巖峙其北端水環其南嶺翠霏微波光潏灩山川靈淑之
氣與泮池芹藻之芬交相蘊結而會萃於人是以比年來科
第輝聯人文蔚起大有蒸蒸日上之勢此後郡人士勉修文
行砥礪濯磨讀聖賢書志聖賢志修於家而獻於

廷行將卓然蔚然為嶺南諸郡冠於以仰副
聖天子棫樸作人之雅化豈不休哉若夫物之成毀有時其
所以經久而不廢者踵事增修又有望於後之守此土者矣
因郡人士來乞余言並呈

聖廟輯畧及重修經費二卷既詳且盡茲不復贅惟記其大
畧云爾道光十二年十二月吉旦

學額

府學三十名

內開平縣客童二名

廩生四十名增生四十名一年一貢

嘉慶十二年議准開平縣客童照新寧縣例酌設進額文童一名武童一名撥入府學毋庸另設廩增額缺亦不必別定出貢年分武生額照文童

阮通志

武生額照文童

吳志

學田

原額學田塘共一頃八十二畝零三釐一毫舖一十四間租銀四兩二錢地一段租銀一兩五錢共銀七十八兩零七分五釐內除原報荒地一段缺銀一兩五錢行據該府學結報此地又奉院道建

立教場阮通志

實在田塘共稅一頃八十二畝零三釐一毫通計每畝徵租銀三錢九分七釐五毫九絲七忽該銀七十二兩三錢七分五釐又舖一十四間租銀四兩二錢共租銀七十六兩五錢七分五釐

七分五釐

同上

蛇頭圍稅二頃一十一畝九分二釐六毫三絲每年租穀二百二十石零九斗二升內除文廟香燭穀三十石尚

奎慶府志

卷六

建置

學校

五

實租穀一百九十石零九斗二升除納糧米外餘羨銀兩
解府存貯以備修葺閭閻之用
高要縣沙田仔湖塘等處租穀十一石詳見高要學田
學田舖地一十八間每年地租共銀六兩零六分四釐解
府轉解學院發給各貧生
四會縣白鶴塘孔肇高戶每年由四會縣移解塘租銀三
兩四錢六分五釐到學湊同解府轉解學院發給各貧生
俱吳志

按學田租額阮通志與吳志互異茲以通志為主吳
志附注於後吳志缺載則采縣志以備參稽

高要縣

縣學舊在縣治東七十餘步府學遺址宋政和甲午郡守毛
衍卽其地以爲縣學歷代興廢莫考明洪武初創建廟東學
西十年知縣胡本道增修置射圃永樂十年知縣常庸徙堂
齋於殿後以舊堂齋爲學倉廨宇宣德七年知府王瑩重修
正統間提學僉事彭琉偕知府王瑩復學後侵地築書樓新

大成殿鑿泮池亭射圃增築號舍又復學前侵地爲廨宇景
泰七年同知饒秉鑑奏以官倉空地易軍營軍營在書樓後撤書樓
爲兩齋天順七年知府王瑜知縣朱茂建儀門及齋南號舍
成化三年知縣劉欽重建明倫堂櫺星門七年知縣孫珍重
建戟門廨宇宏治間知縣左澥改儀門於大成殿左正德二
年知縣錢世用重修十二年知縣秦行健建杏壇於書樓北
嘉靖十一年巡按御史吳麟知府錢鐸建議遷學於今府學
廟右與府學合廟萬曆九年知府王泮買民居闢學門二十
年督府蕭彥乃令復遷於城內原學舊址府治之東衛署之
西督府陳堯後先繼之三十一知府陳濂填後塘建尊經
閣四十四年通判許學賢推官李春熙改學前路天啟二年
知縣汪漸磐重修廟廡先是廟後地陷堂齋傾圮教官僦居

民舍知府陸鏊知縣張明熙先後葺修先師廟兩廡戟門左爲鄉賢祠右爲土地祠中爲泮池橋右爲名宦祠前爲櫺星門照牆曰宮牆萬仞左旁爲雲路坊進爲儒學門直循而上爲巽門八明倫堂又直循而上爲尊經閣閣在明倫堂後卽啟聖祠教諭舍在堂屏內訓導舍在堂東西 國朝歷經修葺乾隆元年紳士梁鳳來等請將乾隆二三年優免丁銀七百餘兩開復宮前青雲路經縣令顧葵詳允不敷工料銀兩除顧令捐俸四十金外餘出紳衿公捐并修尊經閣十六年知縣王士瀚倡修學宮二十年知府吳繩年捐貲將青雲路石坊遷八八丈餘添建牌樓一座照牆一幅併於東城上建文昌閣

吳志

道光五年署縣葉承基重修

縣志

十二年署知縣曾

名芹又修

學額

縣學十五名廩生二十名增生二十名二年一貢阮通志武生

額照文童 軍屯所學文武各二名雍正十三年奉例撥八府學 吳志

學田

原額學田塘共二頃一十八畝七分零三毫地一段租銀四錢舖一十間租銀四兩三錢共銀五十一兩四錢零一釐內除原報荒田一頃一十三畝二分六釐一毫又地一段起造馬房缺銀四錢舖一十間拆建馬房缺銀四兩三錢共缺銀一十八兩三錢二分六釐現行招墾另報 阮通志

實在田塘共稅一頃零五畝四分四釐二毫通計每畝徵租銀三錢一分三釐六毫七絲九忽共實徵租銀三十三兩零

七分五釐同上

原學田每年租穀八十石除變價解學租銀三十三兩零七分五釐完納錢糧銀一兩色米三斗餘爲挑運及諸生月課卷麵之費
又乾隆二十三年高要縣張慶長詳定前學院王安國置買鍾玉炳田稅四畝七分二釐三毫一絲坐在西廂一圖上五甲鍾會林戶內土名沙田仔黃井小坑等處每年租穀一十四石又買鄒兆鈞稅一十三畝二分六釐五毫一絲坐在祿步都一圖二甲鄒孟勝戶內土名湖塘青岡坑仔等處每年納穀三十五石內支府學宮茭草穀九石看魁星樓穀二石縣學宮茭草穀八石餘爲挑運納糧燈油打俱吳志
掃之費

書院

端溪書院在高要縣學宮西故鼓鑄局址舊在縣署東明僉事李材建後爲嶺西道署又改督標中軍副將署今移建之萬壽宮是其故址康熙四十七年總督趙宏燦改建天章書院於今所郝通志前爲講堂堂上爲天章閣又名揆天閣中爲宣教堂一座五間堂後偏東爲蓮池池後爲近光亭東西翼

以齋舍雍正十年總督郝玉麟修吳志乾隆二十二年知府吳

繩年於近光亭後捐買民房地添建後樓九間奉祀先賢併

移建亭池於中及修葺兩廊齋舍採訪冊嘉慶五年總督吉慶

題請修葺阮通志先是院門在閣前東向二十年總督蔣攸銑

就舊

萬壽宮址改闢門南向拓前垣門內添建齋舍縣志二十三年

總督阮元題修阮通志道光三年揆天閣西角傾圯壓倒廊房

數間宣敎堂近光亭將次朽壞今糧道夏修恕攝府事捐俸

遍加修葺縣志十二年知府珠爾杭阿捐廉重修

按書院何時復端溪之名諸志闕載高要新志以爲

意卽雍正十年所改但考是年制府郝玉麟碑記仍

題天章書院乾隆十七年全祖望帖經小課題辭署

銜亦云天章山長至乾隆二十二年山長何夢瑤記
始稱端溪書院二十四年修府志遂直標端溪書院
不復有天章之目然則復端溪之名殆在二十二年

重修時歟

國朝初王麟天章書院記天章書院者粵東端州就圯之書
院余葺而新之聞之

天子而以教育粵東人士之秀者也夫五嶺之表珍奇所宅
前志言之蓋詳而今日之人民則自古未有我國家重熙
累洽聲教覃敷瀕海之民無桴鼓之警而有絃誦之樂所以
涵濡長養陶冶而成之者既非一朝一夕之故矣而又歲屏
珠池之貢市羅蕃物之饒官無蒞苴之疑吏識貪泉之戒四
民樂業衣食滋豐而禮讓興焉固知百粵人文之盛度越前
代者其來有自余以雍正七年奉

命建節茲土

君恩高厚風夜戰兢期有以宣

聖澤之汪洋佐文治於萬一下車之初庶務粗理爰觀民風
先此髦士合十府一州而校之得卷三萬有奇恤其選拔其
尤異其等第其賞夫豈以循故事飾聲譽乎直欲卽士觀民
因文卜行而爲此汲汲也旣復自思念以爲人才之生猶木
也育才之道猶作室也苟非擁腫而不中繩墨拳曲而不中

規矩則吾且晚而顧之耳而殖之模範而丹雘之是故遷哲
匠欲無任材勅省試欲無廢事也歆者欲整疎者欲完垢者
欲拭而後乃為久遠綱繆之至詞今粵士之蒞道能文預異
於家者固宜有以勸之俾勿壞而瑕瑜不掩天姿英妙之輩
尤不可不責其成功用是有重修書院之舉工既竣遠近來
學者雲集余以時至其處宜講此年以來
訓諭士子之語至再三諸生頗能自奮勉往往形諸感泣
乃為延致碩師博徵古籍使有所勘而迄於成功如向所云
蓋余之奉率于粵士者其亦猶建北堂矣居無何諸生進而
請曰粵有記余應之日同也修舉廢墜搜剔岩穴吾分也記
何為者雖然預有勸今人士者民之望而交者行之符諸生
有文行而後民風淳淳民風淳而後國家收得士之效諸生
幸際昇平之世沐浴休養之澤復心體之安極文史之娛諸生
謂名教中有樂地矣而余以嚴疆綏靖驕風屏息得與諸生
共樂夫細旃廣廈之間者皆
聖朝之德而無毫之賜也詩不云乎俾彼雲漢為章于天天
施恩而不報而不責報之施宜何以報乎諸生僉曰唯唯謹
受教余因序而勒之石以寒眾望并植風志且冀來者之踵
吾事而勿替焉撫軍長山鄂公素以培植人材振興風教為
急是役一切部署與撫軍相符合軍其事者前則署
肇慶府同知龍為霖後則知肇慶府事劉正遠雍正十年四
月

何夢瑞重修端溪書院新建後樓碑記肇慶書院之設其來
舊矣以崇臺名者建自明宣德中今閱江樓其故址也有名
肇慶府志卷六建置學校

慶雲景星者建自萬歷一在天寧寺右一在天寧寺左而以
端溪名者今為制軍中開府而前為分巡嶺西道署也僉事
李休建城西白沙龍母廟後磚有鐫端溪書院萬曆元年造
字者蓋廢圯之遺非即今之端溪書院今之端溪書院則東
都高要學宮故錢局也總督吳公興祚鼓鑄於此後罷為五
營易圖今之近光亭其閣武亭也康熙四十七年總督趙公
宏燦始改為書院建大章閣即今煥天閣摹刻
恩賜御書供奉其上總督楊公琳繼之閣前為
萬壽宮元辰
聖節百官祝釐詣馬閣後建宜教堂旁翼齋房集生徒講業
以宜揚文敷然買驢自給疏學耆蓋寥寥也雍正十二年欽

世宗憲皇帝特賜舒金以資膏火乾隆元年我

命諸臣皆校謹將事式廓日增總督郝公玉麟復捐金二千

兩以宏作養自是負爰者眾德造之盛遂為前代所無今且

歲增數十人矣太守吳公慮兩廡齋舍不足以前代所無今且

購院後民房地建樓九間以益之又以近光亭蓮池位少臨

東並宜檄正堂舍之朽壞者宜修請於制軍楊公應瑞副

彭公端淑皆報可度并千數百金不能時南皮張公慶長令

高要助捐三百兩餘悉出公案鳩工庀材經始於乾隆丙子

秋閏五月而告成功諸生戴公德屬夢瑤為文紀其事公名

繩年號添巖浙江錢塘人乾隆

二十二年春王正月十九日

翁方綱示端溪書院諸生詩三首迢遙端江流縹緲崧臺陰
以茲絃誦區時彼山水音昔來歲未暮今到春已深經年問
學業尙未諧靜吟返已良內婉何以酬素心登茲肅肅堂對
我青青衿文必經術出尙宜正始尋勿用虛聲盜庶爲實行
箴月令仲冬舞昌黎上巳琴勉思宵雅肄不獨歌華苓時
交非小技孔孟留聲欲今古此寸心開編宛然在萬卷讀可
破一言道斯載要自本樸誠莫但還雖續璣珠探果得鯨魚
掣何礙綯采良後素綺麗必前輩見小諸守株貪多啞賣菜
凡爾下學人可勿銘紳佩我慕區川孺五言最清壯粵人
品其詩謂在蘭汀上五言原漢魏至杜始雄放誰人總衆流
波瀾轉浩蕩此迹探原委亦要英華釀譬彼岩下泉曾吟響
春漲雖云流派殊雅必定趨向嶺南風雅區今當嗣高唱爲
爾啟一隅期爾光萬丈聊與端州人後學毋田讓

先賢楊奉祀左右各十人

左

陳白沙先生

李見羅先生

陳秉常先生

張東所先生

謝天錫先生

陳堯山先生

盧冠巖先生

葉石洞先生

唐曙臺先生

羅元山先生

修睦寺

卷六

建置

學校

十

自序
右

黃泰泉先生

楊復所先生

湛甘泉先生

林緝熙先生

伍光宇先生

李抱真先生

龐弼唐先生

薛中離先生

邱瓊山先生

區孝先先生

趙敬襄云舊以先賢樓爲聖賢樓奉

聖師於中其左右則各設一總脾位書十人名號以中爲尊

白沙居左第六行泰泉居右第五行今攷書院非學宮祀

先師於義爲僭當易名先賢樓移先賢南向左以西方爲上

右以東方爲上謹議其次序如後

左

陳白沙先生獻章

伍光宇先生雲

陳秉常先生庸

謝天錫先生祐

湛甘泉先生若水

黃泰泉先生佐

羅元山先生一中

葉石洞先生春及

李見羅先生材

楊貞復侍郎起元

右

邱瓊山先生濬

林緝熙先生光

張東所先生詡

建置

學校

上

李抱真先生孔修

薛中離先生侃

陳堯山先生激衷

龐弼唐先生高

盧冠巖先生宁忠

唐曙臺先生伯元

區孝先生大倫

趙敬襄端溪書院志

案全謝山祖望年譜乾隆十七年主講端溪書院釋

奠禮成祀白沙以下二十有一人從前未有之典云

云揆諸今所祀多一人或是年譜偶誤既謂從前未

有之典其位次必經謝山手定可知也且其書院帖

經小課題辭云粵中白沙泰泉諸先生講學之地言

之凡再皆白沙泰泉相提並論謝山碩學鴻儒釐定
祀典實有卓見蓋粵東之學灑然獨得有鳶飛魚躍
之樂首推白沙大而能一守博文約禮之傳無踰泰
泉故以二先生分領左右欲學者得其性之所近以
是爲歸若重議之位次自言以時代爲先後未免拘
年輩常格然瓊山正統甲子已領解白沙正統丁卯
始鄉薦宏治八年瓊山卒時年七十六宏治十三年
白沙卒時年七十三白沙乃列瓊山之前何又先後
之倒置十九人皆稱先生楊復所獨稱貞復侍郎以
示微辭似失奉祀先賢之意惟不敢僭祀先師於
義甚當斯則可取也諸先生仕履並附錄

陳獻章字公甫新會白沙里人正統十二年丁卯舉人成化十八年授翰林院檢討謚文恭黃佐字才伯

有傳陳庸湛若水張訓林光謝祐伍雲李孔修皆陳	壬午舉人官江西進士官至南京戶部侍郎卒贈尚書	卯舉人官江西湖廣知縣有傳區大倫高明人嘉靖辛	太傅諡文莊羅一中字致吾高明籍高要人嘉靖辛	景泰甲戌進士官至禮部尚書文淵閣大學士卒贈	部文選司郎中邱濬字仲深瓊山人正統甲子舉人	御史唐伯元字仁卿澄海人萬曆甲戌進士官至吏	中薛侃字尚謙揭陽人正德丁丑進士授行人卒贈	府葉春及字化甫歸善人嘉靖壬子舉人官戶部郎	卿南海人嘉靖甲午舉人釋褐判應天官至曲靖知	進士官至南京刑部郎中山東登州知府歷嵩字振	虛寧忠字獻甫順德籍南海人嘉靖庚子舉人甲辰	南海人官國子監助教李孔修字子長順德人布衣	人甲辰會試乙榜官襄府左長史進中順大夫謝祐	官至南京通政司左叅議林光東莞人成化甲辰舉	部尚書諡文簡張訓字庭實番禺人成化甲辰舉	城人宏治甲午舉人官荆門州同洪若水字元明增	人成化甲午舉人官至禮部侍郎諡文懿陳庸南海	選庶吉士改編修官至禮部侍郎諡文懿陳庸南海	歸善籍博羅人隆慶丁卯鄉試第一萬曆丁丑進士	至鄖陽巡撫右僉都御史宦績有傳楊起元字貞復	人嘉靖壬戌進士隆慶間官嶺西僉事進副使後官	侍讀學士卒贈禮部侍郎諡文裕李材字孟誠豐城	香山人正德庚午鄉試第一庚辰進士官至少詹兼
----------------------	-----------------------	-----------------------	----------------------	----------------------	----------------------	----------------------	----------------------	----------------------	----------------------	----------------------	----------------------	----------------------	----------------------	----------------------	---------------------	----------------------	----------------------	----------------------	----------------------	----------------------	----------------------	----------------------	----------------------

白沙弟子盧寧忠黃泰泉弟子羅一中龐嵩湛甘泉
弟子薛侃王陽明弟子獨李材江西人創建端溪書
院亦嘗講學於斯也

雍正十一年奉

旨賞撥地丁帑銀一千兩發商生息以充端溪書院膏火每
年籌備銀二百四十兩遇閏加增銀二十兩由府按季具文
赴鹽運司衙門請領支給

前任總督郝 奏撥鹽羨本銀二千兩發商生息每年籌備
銀四百八十兩遇閏加增銀四十兩由府赴運司領給書院
膏火

乾隆九年奉撥鐵規小禮每年銀二百七十兩由府赴運司
領給書院膏火

歷年奉撥高要四會陽春陽江恩平廣寧德慶羅定等處田

地租額共銀一千一百六十一兩七錢七分八釐內恩平縣於嘉慶二十四年新增田租銀一十七兩六錢八分六釐五毫均批解府以充書院膏火

院長聘儀銀二十兩程儀銀四十兩每年束修銀五百兩端陽中秋年節禮銀共三十兩每月分蔬薪銀一十二兩上米三石照時價折銀約七兩零

監院每月分蔬薪銀一兩上米五斗

守院人役六名每月給工食銀五錢米三斗

肇羅道吏書每季紙筆銀一兩二錢書院每月紙筆銀四錢開館費用銀一兩二錢

添置書院床鋪椅棹銀一十六兩

正課生童一百二十名每名月支膏火銀一兩二錢每課卷

價約共銀二兩零麵食約共銀八九兩

官課每次獎賞銀七八兩至十餘兩不等

師課每次獎賞銀約十七八兩

並詳府冊

查端溪書院每年支給師生脩脯蔬薪膏火等項共銀三千兩有零除額領額解銀二千一百六十九兩四錢六分四釐連各屬近年新增田租共銀二千四百六十四兩四錢七分五釐另遇閏加增銀六十兩儘數支應外尙墊支府庫銀數百兩係由歷任本府攤捐籌項彌補

義學

端江義學在城東五經里乾隆間知縣王士瀚張甄陶王承熙先後修拓四十九年圯於水嘉慶元年署知縣裴盛清建

復十八年肇羅道寶國華重修

縣志

道光七年署縣葉承基捐

俸買置景山岡全塘二口每年租息以充獎賞

採訪冊

鄉塾

按舊志原名社學康熙間已奉功令禁止茲悉改稱鄉塾謹著其例于此

奎光閣在漾源都中公設

吳志

黃桐在赤勘都嘉靖間鄉人建

圓明在古耶甲平山鄉

聖堂在古耶甲六灣鄉

回龍在赤勘都會同岡

毓秀在古耶甲太埒里

都頭在赤勘都

龍門在府城東五十里深源里龍門山鄉人建

俱同上

鐸陽書院在睦民里擢英坊舊在城東三里濂溪書院左明

萬厯間爲知府陳濂建後圯 國朝乾隆五十二年遷今所

縣志

星巖書院在七星巖水月宮左明崇正九年總督熊文燦自建爲熊公祠 國朝康熙三十九年總督石琳改書院吳震

芳記人肖琳像祀之

另一星巖書院見古蹟

崧臺書院在閩江樓右舊名二公祠順治十五年爲總督李

率泰王國光建增祀總督李棲鳳又名三公祠旣又增以總

督周有德金光祖楊宗仁楊文乾鄂彌達遂改爲書院

另松臺書院見

古蹟

附錄

明汪道昆平蠻碑上方以文治治天下猶仇仇然修

武功於時北虜稱臣東胡伏質凡諸揭波伏莽之屬莫不珍夷自有區夏以來此其極治者也顧惟粵西八寨糾合古田自昔播亂抗威同惡相濟王文成田州之役順道加兵會請告歸疆理未逮殷司徒古田之役許以便宜首傳剝膚次及唇齒其黨陽爲悔禍志在通誅歸我版圖依我戍守遵我要

聖恩乎

建置學校

二

東就我羈縻時以東粵連兵不遑窮治其後乘間竊發益生
戎心久之則塞術業寨撫安增八爲十躡我障塞撓我司徒
侵我土田禦我道路係累我士女虔劉我人民其罪浮於古
田貫盈久矣上命劉司馬堯誨督府張中丞任撫粵西顧
御史鈴則以直指按部會武緣上林告急相與集議以聞皇
上端拱而蒞萬方莫不臣妾蠢茲八寨猶復怙終寇虐
且張亟須滅此而後安枕本兵復請詔許出師務在破賊安
民毋或騷動既得請直指不及代而行督府移駐蒼梧則與
中丞合謀而後決矣在法什則圍之彼其聚黨萬餘人據地
五百里潰而鼠竄難與周防外氏有言雖虎捕鼠必舉全力
赴之一不勝則鼠化虎矣粵西發各部土兵六萬號十萬簡
募兵萬分布中堅益以東粵西發兵三營兵足矣粵西發鹽
利五萬益以東粵軍費萬緡食足矣粵西各除戎器以待用
有不足則自粵東助給之器足矣全力既具社鼠惡用黠爲
中丞自宇下坐制之全勝之道也中丞謂善遂相與部署諸
將兵乃屬總兵王尙文併將諸部自閩以外悉聽將軍尙方
授節在焉不用命者殺無赦乃檄左叅政彭文質主軍興蕭
相國以餽餉尸口口日參知事有司不辨者坐之法毋絕後
車乃分道進兵盡信地爲四部東南則副使陳俊監泰將李
應祥軍三里直北則叅議口忻監泰將倪中化軍忻城正西
則副使侯國治監叅將于嵩軍夷江西南則叅議李一迪監
泰將張榜軍上林乃爲師期獨鐸並進則以徂冬十二月二
十日首事迄春三月三日班師乃聚軍而口誓之所不奉召
令而闡及良民者有如此誓旣料賊黨聞風先遁必奔思恩

潯州豫嶽當路諸屬邑厚集丁夫以待漏網賊尋至會督府
所遣故案將梁守恩部授兵邀擊殲之既則北五諸聚落習
與賊通畢事而移兵平之便各部如期而進賊猶入直均諸巢
我師奮險先登賊敗乃復申令搜剿唯類無遺北五諸聚落
巢覆而奔亡匿笑阻乃復申令搜剿唯類無遺北五諸聚落
悉平一如成算以俘械計蓋萬四千五百八十有奇其餘然
集墜塹壁於不毛殊三千眾盡矣會胡直指代按部下車而
蒞行間軍正論功有差合諸材官咸獻其朕直指代按部下
作而嘆曰是役也師武臣力功飯飯足多要以壯猷然一票
督府勝算率由於中丞其功上在合甲御史不得言境內
功昆幸觀威政無辭不支將假于東里往余與聞邦政不
敗謂不知兵督府著不世功非金石何述遂不遑追琢大爲
之銘銘曰世祖初張皇九伐首及蠻方桓桓新建立佳兵不
刃積寇勤王瑞端八來血牙從目伺我苞桑我師旣旋薄茲
負固斷首斧戕舊勳云亡相沿草昧旣難倍昨天常厥有古
蛇爲不爲虎爲狼賊我諸臣掠我簞帑倍昨天常厥有古
切近都會其罪彌彰穆考明威聲罪致討爰整戎行乃詔司
徒該以天網用命者憾頂子野心翻然革面相帥歸降其往
勿迫其來勿距恢若苞荒譬則吞舟脫於罪罟服百粵宵匡
民怨容昔天樂土胡獨逢殃帝日汝誨賜履南服百粵宵匡
申命汝任周行問俗其惟爾良二臣一心過茲亂畧宿夜皇
皇彼醜不馴毒痛有眾摧髮莫詳帝命徂征興師十萬三月
聚糧元戎帥師諸將分部其陳堂堂或典護軍或司餉士實

皇曆月三
為紀綱自冬迄春七旬在事不愆于襄繫頸陳尸百千萬計
京觀相望厭于廷告于郊廟神既無疆元老專征宜從異
數以答非常督撫不居伊惟聖武三事肅將起趨腹心以身
殉國為發鷹揚肉食鄙人碌碌成事寸無所長直指曰嗜上
臣議書歸諸天王桂後司直惠文替筆無善不章誰其銘之
所父之亞以先太常萬歷八年庚辰夏六月朔 按此碑立
內

培風書院在峽口龍華寺後舊名金溪書院康熙十七年鄉
人建嘉慶十六年重修改今名

漾溪社學在漾源都舊名迴淵書院嘉慶四年鄉人重建改
今名

桂溪書院在桂木州村康熙十八年建

嵩崖書院在城東十里厚載祠西康熙四十一年為知縣景

日珍建

三都書院在長利水口舊名長溪書院康熙四十五年建嘉

慶三年鄉人重建改今名

沙溪書院在沙浦村康熙四十六年建

宋溪鄉塾在白土都雍正九年知縣顧彞建嘉慶四年鄉人修

五經鄉塾在五經里爲華嚴菴舊址乾隆間知縣張甄陶以其半拓建義學半爲鄉塾

端人文塾在府學宮左舊爲魁星閣久廢乾隆二十四年修復嘉慶七年郡人捐修增建齋舍取今名

文昌書院在要岡村乾隆四十年建

金溪鄉塾在金利村乾隆四十七年建

頭溪園書院在典水都乾隆四十八年建

祿溪鄉塾在祿羅村乾隆四十八年建

四門小學嘉慶元年署知縣裴盛清建

硯溪書院在東洲村嘉慶十年建

新溪義學在新江水內嘉慶十一年建

祿溪鄉塾在祿步都

新溪書塾在筭洞水口

同人文社在長利水三都書院左

與善鄉塾在富灣與善堡

九曲書院在富灣九曲基以上俱嘉慶十二年建

墨林書院在墨岡村嘉慶十三年重修

寶文鄉校在寶查都嘉慶十三年建

寧溪書院在寧塘水口嘉慶十七年重建

清平鄉塾在金利清平堡嘉慶二十五年建

肇協義學在端溪書院前道光元年副將松青創建歲延師
教營中子弟俱同副將科布托善並准寒民子弟附學宋訪冊

四會縣

縣學在縣治東南舊在金岡山下宋咸淳己丑知縣趙汝育
遷於今地建大成殿戟門景炎間知縣陳隆建堂齋號舍元
末摧圯明洪武初重建永樂十一年知縣顏寶重修景泰四
年知縣楊煥建書樓成化六年知府黃瑜改建明倫堂以堂
舊基建大成殿正德十四年知縣蕭樟作泮橋嘉靖七年知
縣張璽重修堂齋十六年知縣羅愈請歲以寺租修學二十
五年知縣莊深建敬一亭尊經閣三十年知縣陳自然建儒
林門櫺星門萬厯三十三年知縣彭世明復建尊經閣迺移
啟聖祠敬一亭於閣左右四十六年知縣謝子詔教諭邢裔

昌重修殿廡齋房四十八年知縣陳祖訓改建文昌閣于儒學之前左為名宦祠右為鄉賢祠 國朝順治十六年教諭

朱紳昌修兩廡櫺星門康熙十八年知縣班一政倡葺乾隆

二年紳士彭廷雷等改建崇聖祠於大成殿後並建青雲橋

開文明門於學宮之前紳士彭廷雷捐修崇聖祠兩廡前殿

月臺泮池石橋乾隆二十四年六月紳士彭捷元梁挺捐建

青雲石鞚橋併石牌坊于學宮文明門外吳志嘉慶十二年紳

士重修縣志十六年紳士吳舒濂重修阮志道光元年知縣伍

鼎臣修縣志

明洪若水四合縣儒學記惟正德辛巳季秋四合縣學教諭

林君榮與其僚成君儉蔣君球以李生牒告甘泉子於西樵

日惟茲學治舊在于金岡惟宋咸清遷茲城陽厥制惟備惟

久乃褒正德戊寅進士永新蕭君樟來尹茲邑惟憲金華

陳公正之來講武事胥視文廟時次百廢胥興捐金修之別

駕平湖潘君貽暫攝助之惟殿廡堂岬修厥參惟齋號門井

修厥缺惟汴橋修厥圯惟豆箴簠簋修厥制乃輪乃輿乃贍
乃奠乃遊乃處乃以興學惟子乃學之宗盟惟子是式是訓
甘泉子曰學一而已矣知陳公因武修文之義斯可與語學
矣知諸君修學之義斯可與語道矣夫道一而已矣君子修身
以復乎道而已矣是故聖人修道以成天之能君子修身以
復己之命故古之學者本乎一今之學者出乎二二則支支
則離支離之弊也久矣故夫文武二而天下無全材矣豈惟
文武惟然才德二而天下無全人矣豈惟才德為然體用二
而天下無知知道矣豈惟靜為然德業舉業二而天下無善
學矣豈惟知行助靜為然德業舉業二而天下無善學矣豈
其本然也孟子行助靜為然德業舉業二而天下無善學矣
難之說興而儒學壞儒學壞而天理幾乎息矣嗚呼諸子知
學之壞而不知儒者之學之壞也原本幾乎息矣嗚呼諸子知
知合一之說則可知化舉業而之道矣或問何謂合一曰執事
則敬作事則學吾聞其語矣未見其人
也故學在修其二而復之一而已矣

學額

縣學十二名廩生二十名增生二十名二年一貢阮通志武生

額照文章吳志

學田

卷之六 建置 學文

原額學田九十八畝四分三釐九毫

除緡糧銀二兩八錢尙五分五釐一毫四絲

銀二十三兩八錢二分二釐內除原報荒田一十九畝八分

七釐二毫缺銀五兩零三分

現行招墾另報阮通志

實在山七十八畝五分六釐七毫通計每畝征租銀二錢三

分九釐一毫八絲共實征租銀一十八兩七錢九分二釐

同上

黃岡石礪濠塘每年租銀三十九兩八錢穀二百二十石區村庄租銀十六兩

官陵水大唐等川租穀二十二石俱吳志

書院

綏江書院在學宮側舊濂溪書院興文書院及沙尾城西義

學俱廢嘉慶三年邑人改建爲綏江書院

縣志

下茅荏稅三頃六十畝租銀二十兩

係六箇塘租銀內撥支

鄧村舖塘婆稅八十一畝九分租穀五十二石

上林豆地租銀三十圓

姚沙莊租錢二千六百文

魚洞莊租銀三兩六錢

藍刀涌租銀四兩三錢二分

以上各租收作遺年延請掌紋修脯俱同上

花園岡下沙坦稅二頃五十八畝四分六釐八毫七絲五忽

道光四年添設每年租銀一百二十兩半解端溪膏火半充

綏江膏火

鄉塾

富溪

在縣治東南二十里

縣志

隆伏

在隆伏舖

三升

在宜興舖大埔坑頭黃屋三村同建

浪湖

在羅湖舖浪湖鄉

卷六

建置 學校

二十

庶富文塾義田三十畝嘉慶間黃紹昌等捐置但同

新興縣

縣學在縣治東南舊為新州學宋天禧間始建天聖間徙於
夏院寺之西紹興十三年郡守張夔重修淳熙四年郡守趙
師孟復遷於舊址嘉定六年郡守楊承祖重建大成殿郡守
陳士龍建講堂咸淳十年郡守何坤載葺之元大德中知州
高芝重建殿齋泰定四年同知李漢傑復修元統三年達魯
花赤薛里吉思填左右地為兩廡明洪武三年改新州為新
興縣薛學改為縣學縣丞孫守正鼎建廟堂宣德五年教諭
盧潤建尊經閣舊學基至明倫堂止議建尊經閣苦無地邑
進士張聰將近明倫堂地一畝二分建閣
正統三年知縣雷晏重建講堂號舍饌堂厨庫學倉射圃天
順七年燬於寇知府黃瑜新之成化乙未通判李敏增建正

德十一年知縣王琮復射圃侵地嘉靖十六年知縣胡堯時
始建啟聖祠於尊經閣後闢泮池右爲敬一亭二十七年知
府胡純行縣修櫺星門三十五年縣丞羅寧重修萬厯十三
年知縣趙德懋請以學塘租銀修廟廡啟聖祠明倫堂尊經
閣兩齋號舍二十四年知縣姚舜牧重修學前二坊新其匾
曰賢關曰聖域從學前塘基闢路出南城曰見龍衢三十年
知縣楊成喬重修學宮崇正十一年知縣張復普倡修費白
金五千兩有奇逐一拆造興修啟聖祠舊在尊經閣後畧移
於東門庭軒厰以示尊崇雖學基依古相沿而規模較前具
備 國朝康熙十年知縣李超二十四年知縣徐煌教諭劉
國璋訓導陳就列前後重修雍正元年改啟聖祠爲崇聖祠
日久傾壞乾隆二十二年知縣劉芳倡率官紳士庶重修廟

廉門庭殿閣堂宇舍衙齋移崇聖祠於明倫堂又移明倫堂於崇聖祠共費銀二千餘兩志五十年知縣姚秉哲率紳士倡修嘉慶二十年知縣吳文照教諭曹謨訓導陳觀光倡紳士重修冊後八年始完宮牆採訪

國朝陳嵩慶修復興學宮牆碑記新興學宮創始宋天禧間歐制荒畧明洪武初改州為縣乃浚泮池闢射圃以宮牆縱橫若干丈崇稱之前直學解大門後枕東市我朝固之乾隆初墻東北隅見既復其西前校官為豪右所愚以圯地授肆人立質而歲私其利於是宮牆之東北西均闕最北諸肆皆桀桀明倫堂後壁操作喧囂與弦誦之聲相雜蓋開七八十年弗更弗修其甚非所以尊崇聖靈肅祇廟貌之義也嘉慶丙子重劉星潢伍士雍等訟於上官乃得直越八年不可紳士陳在謙劉星潢伍士雍等訟於上官乃得直越八年江右翁君崇勳來宰新興議復初制會大僚文檄相望於道乃以道光癸未十二月拆毀諸紳士刻日修葺武卓陳德賢首捐貲為鳩工費以甲申春二月落成屹然廊巍高敞如式儒士詠舞賦庶瞻嘆蓋宗廟百官為美若富匪巍巍數俱易云稱焉抑吾聞庠序之崇達于鄉國而聖人之門入焉者寡非夫有基無壞遠邇遵制保無踰如短垣尋覆轍者乎邑人以高慶嘗視與學宜有言以垂示來者乃為之記

學額

縣學十二名廩生二十名增生二十名二年一貢阮通志武生

額照文童

吳志

軍屯所學

文

武

各一名

雍正

十三年

例撥

八府學

吳志

學田

原額魚塘八口共稅二畝三分四釐五毫通計每畝徵租銀

五兩一錢五分一釐三毫八絲共實徵租銀一十二兩零八

分

阮通志

每年租穀六百零七石租銀四十四兩二錢一分一半養

廉一半公用

塘二口每年租銀一十兩九錢

別園塘十三口每年租銀一十二兩八錢儒學徵收移縣

轉解俱吳志

書院

古筠書院在城內西街原守衛所公署雍正三年知縣宋儒

建

置

學

校

二

三

四

五

六

七

八

九

十

十一

十二

十三

十四

十五

十六

十七

十八

十九

二十

詳改義學五年知縣魯遐齡修建乾隆五年知縣左鵬重修捐置公田二十年知縣劉芳復置田租立章程刊石四十四年知縣洪煦倡紳士重修

縣志

乾隆五年知縣左鵬重修捐銀五十兩買置公田二十年知縣劉芳置墾田三百餘畝并邑人捐出共得租穀五百四十九石八斗零租錢十三千二百二十七文租銀八十三兩五錢按生童之尤者三十人每人月給穀一石四斗十四年知縣洪煦率紳士重修邑人增捐租穀三百四十三石租銀十九兩零俱爲院內公費

義學

甘棠義學在縣西南八十里天堂墟康熙五十二年知縣樓日章建乾隆七年邑人捐修學使金洪銓記嘉慶七年知縣

沈寶善捐置田租

每年約收租穀一百七十餘石租錢二十餘千每年支修脯

銀六十兩

俱同上

鄉塾

會龍鄉塾在縣東七十里嘉慶十二年邑人鄧恒修陳大華

等捐建

旣通志

置租穀一百八十四石

縣志

陽春縣

縣學在縣治右宋慶厯四年原建於南城外一里梅花村元

季圯壞明洪武二年知縣莫景明遷建於今地永樂七年縣

丞吳子育重建殿廡戟門櫺星門明倫堂兩齋厨倉射圃悉

備正統三年知縣宋啟重修天順間知縣李福海以朽壞更

新成化五年燬於寇七年知府黃瑜新之正德十年知縣黃

寬重修殿廡堂齋嘉靖十年知縣楊和建啟聖祠敬一亭三十三年知縣謝復生重建文廟并飾兩廡堂齋號舍隆慶間署印同知郭文通與知縣熊烈鑿泮池於櫺星門內引東門外官廨之水注建尊經閣萬曆四年署印同知蔡懋昭買民地闢學前路樹以坊知縣毛汝起重修廟廡戟門櫺星門學門改建敬一亭鑿泮池於櫺星門外十一年知縣黃憲清建接雲樓十五年颶風飄毀文廟知縣張文誥修之移敬一亭於尊經閣後先師廟兩廡戟門櫺星門如舊明倫堂在廟之後堂後爲尊經閣閣後爲接雲樓啟聖祠在明倫堂左戟門左右爲名宦鄉賢祠泮池在櫺星門外前爲雲路坊教諭舍改於東齋訓導如故饌堂號舍俱備崇正十六年知縣陳軾倡率紳士修葺國朝順治十一年爲賊李定國所毀康熙九年知縣

張含瑾修葺十四年賊馬雄復毀二十五年知縣康善述修
葺六十一年知縣蘇澎建文明門上建奎星閣雍正七年教
諭陳世蓮訓導廊士佐倡修殿廡櫺星門名宦鄉賢祠廣泮
池築月臺建大魁閣於文明門外闢青雲路共捐金三百兩
有奇九年世蓮改建崇聖祠於尊經閣後乾隆十二年教諭
楊廷璜訓導鄧開規倡修尊經閣增高青雲路牌坊二十一
年知縣姜山重修文明門奎星閣二十二年又修尊經閣志吳
五十九年知縣劉子揚教諭顏斯緝倡紳士重修於嘉慶三
年竣工縣志道光九年知縣黃定宜暨紳士重修採訪

明黃琰重建陽春儒學記端州小子一口蒞事於堂有一生
慎乃儀趨見持圖而告曰茲重建陽春縣儒學圖以尹之命
而進乞識之因披圖起視中為大成殿制度森嚴旁翼兩廡
朴而不華壯而可久殿之外崇乃臺又修廣乃庭前為櫺戟
門殿之後為明倫堂堂之左右兩齋書室以次而序士之藏
修遊息有共他喜曰美哉是役予茲亦天下通制生拱而進

日陽春山邑事多廢矣夫子之廟敝壞者久風雨幾若無蔽
又何有于學之堂歟兩齋學博與前尹厯未能及吾尹視縣
未幾瞻睹之際惻然甚不敢以自安若有所喪焉茲從而更
新之規模恢拓視昔尤有光端州小子曰有是哉吾聞陽春
處萬山之中諸儒部落甚眾與土賦嘯聚出沒靡測民弗安
生尹安遠事此生曰以盜不弭則教不興教不興則亂由作
又無怪乎焚劫攘奪之熾也故視事之初抵諸儒崗戲
醜獲首安其來附者境內肅然而於急遽倉皇之際經度謀
畫急於爲是民感其惠有以觸小子曰有是哉是之謂急先
而集有不覺其成之易者端州小子曰有是哉是之謂急先
務教化其興乎夫子學也者所以講明吾夫子之道者也吾夫
子之道大非吾與子所能述亦無待于述也然官論天地間
萬形皆有微推是道生而不朽蓋會天地體萬物貫古今
而獨靈者吾夫子道之主也靈之至也先得萬古人心之所
同然者事功過于堯舜其不朽之盛也故雖不能尊其身于
氣厄之時而廟食萬世與造物者相終始不能行其說於齊
陳魯衛之間而其道如日麗天如水行地其聲雖沒其靈不
朽至今自國都迄於海隅僻壤皆知尊其正而崇其教則自
隆其報矣雖夫子亦不知其身後之尊且榮之無窮如此也
則今日之所建蓋有作其所不能不作非尹之所能亦非吾
之所得而識之也抑又聞之縣令是舉有犛犛運木以相資
聖人有言曰言忠信行篤敬雖蠻貊之邦行矣此可見尹平
日之忠信有以服僞僮之心而夫子之言尤可信而不誣也
是役也作于正德丙子歲夏六月落成於歲之秋九月縣尹

黃君名寬端州小千名瑗與尹伯仲閩人也均
有興學之責而又有不容辭焉川以命於後

射圃在南門外明正統間知縣宋啟建或曰在西門外儒科

首登坊吳志

學額

縣學十二名廩生二十名增生二十名二年一貢阮通志武生

額照文童 軍屯所學文武各一名雍正十年奉例撥入府學 吳志

學田

原額學田六頃五十五畝九分九釐五毫除納糧銀一兩二錢通計每

畝徵租銀九分八釐八毫八絲共實徵租銀六十四兩八錢

六分五釐阮通志

南鄉田七十一畝七分九釐零歲收租穀七十石隆慶六年知縣熊烈置

又田九十二畝八分零歲收租穀一百二十石隆慶五年

善民伍賢捐置

鹽根等田四頃三十六畝歲收租穀五百八十四石五斗四升萬曆十三年知縣黃憲清申嶺西道王泮置 俱吳志

書院

瑞雲書院原爲育嬰堂明萬曆十二年知縣張文誥倡建國朝康熙二十五年邑貢生楊公俊議建飛雲樓於其後雍正初年並圮教諭陳世蓮移飛雲樓磚石葺之易今名吳志嘉慶十年知縣李永清倡修十八年知縣王鵬翥倡邑紳士李家翰何廷贊鄧錦申增建

一詳奉撥充共銀二十四兩一錢五分零一春風官戶銀十四兩五分零一閑盛祖戶銀四兩一錢二分零一岑石安戶銀四兩一錢八分零一簋竹垌官租銀一兩八錢嘉慶二十五年知縣陳懷彥捐置荔枝林每年租錢七千文縣志道光四

年知縣趙榮撥充龍船塘每年租錢一百千文爾江塘田地
魚塘每年租錢七十千文白瓦岡田每年租錢四千文斜湖
壩等每年租錢五十八千七百二十一文道光六年知縣劉
開域撥充各處租錢三千五百文以上向由縣署核收送院
爲膏火費道光八年署縣侯金楷撥歸紳士管理
王公書院膏火雍正九年知縣王博厚置田三十餘畝自嘉
慶十九年邑眾議撥并五循祠收輸以爲週年春秋二季添
設忠孝節烈二祠祭費

縣志

陽江縣

縣學在鼉山右卽按察分司故址舊在城內永泰坊明僉事
陶魯改建今地按舊志宋慶厯四年始創恩州學於城南二
里卽今之白沙寺右而陽江縣學在城內西南隅卽今之城

隍廟後坊紹聖四年知州丁璉以州學僻遠徙州學於城內
東南隅永泰坊卽明劉光祿父子故居元末圯於兵明洪武
初省州學改爲縣學知縣張翼再造之舊縣學遂廢爲民居
三十一年知縣梁潛重建大成殿永樂十一年知縣林星重
新明倫堂正統三年知縣李寧大修學校建觀射堂觀德亭
泮宮碑天順七年復燬於寇成化二年僉事張祚督軍至縣
復行修建更於學內起藏書閣四楹二十一年僉事陶魯以
學宮湫隘遂命知縣朱權遷於今所前爲文廟左右有廡廟
前爲戟門爲櫺星門臨於大街後爲明倫堂左右有齋撤舊
爲新規制畧備萬厯十三年僉事王泮及郡丞方應時重修
崇正十三年重修稍兼西向 國朝順治六年學道李綺暨
署縣趙文鼎捐貲大修以復南向嗣後知縣孫廷鐸胡承謀

節次修葺吳志康熙十三年復建尊經閣二十六年教諭葉自

茂重修三十二年訓導黃以敬五十年知縣唐伯義相繼增

創書舍重修尊經閣雍正六年知縣林寅教諭尹錫錄訓導

余錫純捐修名宦祠通志乾隆四年題准部覆動項修葺司嘉

慶五年知縣李協五捐修平基重建李遷去知縣朱麟徵繼

成之御史鄭士超為之記二十五年重修大成門及大殿崇聖殿瓦脊

獸吻縣志道光五年訓導朱松齡倡修尊經閣七年訓導黃王

濱於閣中添塑神像採訪冊

宋丁璉徙南恩川學記古之所謂成人有德小子有造者出

於上之風化然其本實始於一國一鄉今朝廷崇尙儒術作

興人才四方一視不異遠邇庠序之興彌滿天下弦歌講習

洋洋盈耳嗚呼盛哉恩平古郡漢屬合浦舊學去城南幾三

里荒汀燼廢廡室不支垣墉傾圯土人患之自潛使大夫傅

公按部至此借曹判馮公登望海臺周覽形勝因指城隅之

東曰此山川回合風水之佳宜徙學以就焉僉悅而從乃命

肇慶府志卷六

建置學校

三

門步趨有廊聖師有殿齋祠有廳經籍祭器有庫講義有堂
正錄有位生徒胄子有齊庖廂有舍基隆宇壯不華不陋垣
堵屹立翁然皆具經始於孟秋落成於季冬用不匱而工不
勞連嘗謂禮義由賢者出庠序者禮義之地恩平士子朝夕
游息於茲朋硯友磨講學勸藝樂得其所有嗣音之子矜而
挑撻之誨不習于城闕千里之內觀風覩化俾嚚者良悍者
愿人人有士君子之行異日登臚仕擢朝用不負於庠序之
教庶幾髣髴洙水杏壇之化焉連泰守是邦於其成也諸生
請爲之記而樂書之紹聖四年季冬吉日傅雱南恩州孔
子小影記雱向嘗得夫子四十六代孫宗壽家藏小影乃唐
人吳道子名筆載夫子按几而坐從以十弟子見者莫不竦
然注其耳目如出乎其時如見乎其人以如親侍於洙泗之間
豈易得哉雱叨守南恩州教授陳君輯請圖其像於州學御
書閣且曰此唐人筆嶺海所無况經兵火之後其像尤難
得若表之閣中俾遠方士子得以瞻仰如親與十哲樞衣請
益於吾夫子之前豈不甚善陳君潮州人嘗得蘇東坡作潮
州韓文公廟記有言曰始潮之人未知學及公命進士趙德
爲之師自是潮人皆篤於文行至今士流輩出爲時顯人者
甚多皆韓公有以勉之之力也今南恩自朝廷復興庠序以
來士之興冠博帶爭趨場屋者幾千人其問篤志肄業者亦
不少而書名桂籍獨未聞有破荒之士豈潮之人可以勸激
而南恩獨不然哉竊嘗勉以陳君孜孜之意而復表以名筆
直像使邦人益知嚮風他日掇取巍科翁赫嶺海者豈潮之
人獨擅美哉念是事不可以不書恐闕繪不能久傳再刻之

石且冠以四朝御贊使學者咸知列聖嚴

師重道之意如此紹興辛未季秋重陽日

明李東陽陽江縣學記畧陽江肇慶府屬縣在昔為南恩州

州故有學在城外東南二里許宋紹聖間徙城內東南隅國

朝洪武初始改為縣卽州學故址為縣學且百年矣天順末

為流賊所掠廟學荒蕪不可復治兼以地勢僻隘莫能為久

遠計成化乙未按察司陶公魯承勅督廣東兵務暨提學僉

事趙公瑤圖所以易置之相地於嶺西分司蓋故州治地也

既又以為未廣捐舊學地買民地於嶺西分司蓋故州治地也

迴晚燕陋乃鳩工役市土木為大成殿又後為東西廡及戟門其

後為明倫堂及二齋又後為尊經閣又後為肄習之所像設

器物以次咸具黜聖丹漆煥然改觀既有成績今豐城黃公

曉來知府事暨知縣朱侯權以下承陶公志益充拓之樹石

為櫺星門蓄水為泮池築土而為垣於是縣學之制大備自
建置以來未始有也戶部主事劉君芳實出茲學嘗奉使南
還目睹其盛胥議於教諭李綱訓導郭到暨諸庠生請予文
以紀其成時宏治四年辛亥冬十月吉旦
休大春重修陽江縣廟學記畧余友豐城李公材嘗以執憲
飭兵嶺西建隄峯書院於陽江廟學之後以啟多士即今尊
經閣故址也其時公每以書抵予毅然有大興廟學之志會
與督撫不合去書院尋廢余聞未嘗不深慨之以為事之興
廢有數其廢也苦或阻之則其興也若或俟之蓋時至而起
書來言陽江修學事大意謂是役始於萬曆十四年丙戌仲

春迄於仲夏之月而告竣其廣厲學宮誦敷文教以主持於
上者嶺西兵憲山陰王公泮也而奉公之令以綜核帑金經
營庶績俾財用不匱費出有經者則端州守鄭君一麟與朱
別駕士貴也其鳩工董役則以屬之簿尉張傅王舜而樂觀
厥成者宋尹良木也蓋時尹先觀行而君適以海汛守陽
江代別駕攝邑事一時百廢次第修舉又會王公按部至故
事得相咨劬恆眾志於是鎖巡諸公聞而躋之故民不煩而
事集財不耗而工倍時不久而效臻遂令萬仞宮牆一旦煥
然維新足以妥聖靈而鍾秀氣諸君子之功在學校者良不
細矣而予又幸王公斯舉能成李公當日未成之志所謂豪
傑作用異地同心類如此夫王公曠背在郡業以闢學宮之
地駕躍龍之橋暨凌霄之塔所為興學育材者至矣茲又以
其餘力旁及諸邑若陽春四會並置學田高明興建文筆獨
陽江哉聲教所被且將邇於海隅日山矣
沈思孝陽江尊經閣記畧陽江縣學昉自往代入國朝二百
餘年尊經閣闕萬歷乙亥雲間蔡大夫來領海防間視學視
閣撫然曰嘻閣哉士何觀耶其亟叔之軼輒不稱以學宮地
侯故比及學旁翫峯書院大夫曰學且缺烏用此合撤而置
閣遂咨詢於縣令蔣蒙吉教諭蔡壘訓導游時康到一定規
畫既確諏日始工諸生林一鳳輩司之其材費於公帑無與
大夫俸入先之餘俸入繼之與是邦人士之樂於助義者經
始於丁丑秋七月二日竣於戊寅冬十月五日大夫移書電
日徵不佞記不佞蓋重感於大夫創造之功云
大夫名懋昭由賢科起家萬歷乙卯嘉平月

國朝鄧士超重修江縣學記畧自嘉慶十一年余自京師請假還里適陽江重修夫子廟堂成諸紳士以書來徵余記余惟陽江宋為南恩州故有學明洪武初改州併入陽江為縣遂為縣學其學舊自城外徙置城內東南隅成化乙未僉事陶魯始命遷今所當置山右麗縣署之西仰按察分司故址也重修於萬曆十四年崇正十三年國朝順治六年青縣李侯培伍商之學博陳君有懿劉君統基集邑人士謀所以新之而公推孝廉方君世型縣丞職鍾君儒獻董其事領簿勸捐羣心翕應得金二萬有奇於是相度規模平基鼎建凡堂殿門廡池亭齋閣悉振舊址而增廓之舊制大成殿後為明倫堂後為崇聖祠祠後為尊經閣今改建祠於大成殿前此學門外市居麟比湫隘障礙輿論欲然乃悉購其地為通衢中建青雲坊整齊宏敞大易所占天衢之亨者於此見之是皆立學以來所未有也經始於庚申四月越壬戌十月而工竣夫學一也自宋慶曆以後地經再遷閱四百餘年而煥厥觀豈非文明成化以來屢有修葺又閱百五十餘年而大乎是為記嘉慶丙寅冬十一月

學額

射圃在東門外志

縣學十五名廩生二十名增生二十名二年一貢阮通志武生

額照文章 軍屯所學文武各二名雍正十三年奉例撥入府學吳志

學田

原額學地一段租銀五錢塘一口租銀三兩舖四十一間租

銀一十二兩二錢共銀一十五兩七錢內除報原遷移界外

地一段缺銀五錢舖四十間缺銀一十兩零二錢共缺銀一

十兩零七錢康熙十年四月內築墾舖一十三間租銀三兩三錢一分五釐照例六年後輪租今自康熙六

年起徵年阮通志

實在塘一口租銀三兩舖一間租銀二兩又築墾舖一十三

間租銀三兩三錢一分五釐共實徵租銀八兩三錢一分五

釐同

歐坑獨州田稅二十六畝三分零金鷄田稅五畝沙尾秧地稅十六畝七分零關村佛仔筋竹等處用地山林共稅

四十三畝隨崗田稅十四畝三分零止報墾一牛頓硤田
 稅十四畝零止報墾三分零止報墾一牛頓硤田
 北地及學地各一區學前舖地十二間稅六畝九分零
 頭田稅六十七畝二分康熙十六年生員李愈梅將白石
 都土名石橋蓮塘等處田租六十九石一斗七升深泥村
 一所共稅米一石七斗零二合呈縣為學田學塞稅坐文
 政一送學牛園村每年納心塘山租錢六千雍正七年
 等田一體納糧村塆心塘山場一間稅八釐以上各租留學與民
 畝雙魚西門外新街舖地一段十四畝以上歸縣征解
 另侯公贍土田一十六畝俱吳志

書院

濂溪書院在城隍廟右康熙十三年邑人建嘉慶十三年知

縣陶然倡捐因舊址而稍拓之縣志

明吳煥章重修周濂溪祠記嘉靖癸卯冬予視篆三日謁先

聖及濂溪太傅二祠晉諸父老於庭曰太傅以海陵為死所

祀之表忠也其祀濂溪先生則孰探厥因孰開厥始父老對

曰先生提點刑獄洗冤澤物漸潤我恩人恩人祀之久矣宋

元兵燹荒廢莫存邦人思之生不置嘉靖王辰學憲魏公校考
 國籍撥熊令毀真武堂像先生而祀之以順邦人之思茲會
 邑人于云
 三

不幾時而條瓦飄落柱石剝廢罔以於式我後生維公其再
新之乙巳冬萬寶告成百姓和洽乃擇能者蘇紹周董其
材伐於山用總於納贖積累若干緡不費公帑區三月落成
端直軒翥遺像更新邦人咸詣庭以謝子論之曰伏羲畫卦
吾道一初也而堯舜禹湯文武傳其盛孔子傳家吾道又一
初而顏曾思孟衍其秘先生太極一圖其宋人義孔之初乎
程朱見聞頗悟道統有人則先生乃天下後世之所共慕也
奚但恩人爲然考熙寧辛亥先生以正月九日領提點刑獄
職事行部嶺西時知端州杜謫禁百姓採硯獨自占斷人號
爲杜萬石先生惡其奪民利因請著令凡仕於州者買硯毋
得過二枚則先生端州八人有甚於恩且是年八月朔移知
南康軍於恩又特俄頃之化然而舉廢績新戀戀不舍與端
一體專祀其出於天下後世人情之上者何也先生性與天
合才與誠合心與世合也性天合一存乎化才誠合一存乎
道心世合一存乎遇化以言體道以言用遇以言感應之間
則備矣遂書授父老以教邑子弟之賢者且命工刻石以永
傳其

按濂溪書院宋建於南恩州北後燬元大德間復建
於縣西天厯二年知州張允明徙於州學之東有光
霽堂元末廢卽今濂溪祠也

郝通志

舊有田租七十四石土名麻干等處前縣莊大中撥歸書院
爲延師之資乾隆三十五年知縣孟琇復撥八土名黃桐坑
等處田一百一十七畝嘉慶十五年知縣李澐將現批租銀
派給看院人租十四石以供香火其餘盡爲肄業者膏火山
長修脯官爲酌送

同上

鄉塾

西隅

在縣治西卽舊養濟院址

吳志

儒洞

在白石都儒洞村

同上

高明縣

縣學在縣治東坐碧玉岡面卓秀峯深六十丈廣三十丈
成化十二年始置縣設學知府李璉創建大成殿兩廡戟門
櫺星門明倫堂兩齋號舍厠庫宏治間署縣事典史黃觀建

縣志

講堂及泮池橋亭於門外正德十五年通判潘鵬重修嘉靖五年知縣陳坡重建殿廡堂齋戟門儒門厨庫號舍樹櫺星門以石又創聚奎樓二十八年知縣陳富春重建講堂號舍三十四年教諭楊濬重建登賢亭三十五年廟學爲颶風摧毀知縣徐純次第修葺又築杏壇於泮池上移敬一亭於儒門內遷名宦鄉賢二祠於戟門左右萬厯十三年知縣曾宗烈重修廟廡堂齋啟聖名宦鄉賢祠及敬一亭萬厯三十三年知縣韓國藩於學門左廡建尊經閣又重建左右二坊改題玉山起鳳珠海騰蛟四十八年知縣陳京璧重修廟廡崇正五年知縣蕭時勉訓導譚瓚復行修葺明末燬於兵國朝順治八年署縣蕭來儀教諭王孫樞倡率紳士重建康熙元年知縣盧開象訓導沈家慶重修啟聖祠八年知縣魯傑

重修明倫堂養賢齋育德齋二十一年署縣事劉淑向教諭
鄭啟中率紳士捐貲修葺尊經閣鄉賢祠先後被風傾圮知
縣于學捐俸重建啟聖祠奉改崇聖祠乾隆十一年知縣沈
文煥重修並修青雲路吳志乾隆十二年知縣沈文煥教諭吳
錫山訓導邱士高重修十四年知縣繆琬署縣張煒重修四
十五年己亥知縣于煌暨邑紳士修嘉慶十二年知縣余保
純教諭吳廷椿訓導范椿倡率紳士捐修道光三年知縣祝

淮捐倡紳士遷明倫堂於崇聖祠左

縣志

明倫以諒高明縣儒學記成化之己亥值地方多故民廝弗
靖於是守土者議開於朝迺築高明城既立縣治遂建學宮
以風化理以弼成政惟草創爰度弗敷遂至圯壞迄於今甫
及五紀圯滋甚於是閩之陳侯坡以嘉靖丙戌來令茲土視
治三日迺議先聖像登明倫堂迨及學舍憮然不擇遂進
教諭伍君倫訓導郭君尙烈暨諸生徒而語之曰工必居肆
業乃攸成學必從羣道乃克明工不肆則失其業學不羣則
失其道夫學校者羣於道者也學弗建羣乃渙道弗明化匪
羣莫附焉

行其何先聖先賢其祖光倭安實爲崇瞻爲化之源發其瞻堦其
源其何先聖先賢其祖光倭安實爲崇瞻爲化之源發其瞻堦其
而新之輪奐佛者守其外教弗愆弗墜一有圯剝滅滅然鳴集
低萬彙上自混闢下及時流布漫衍得之則寧失之固不若
與化無極爲之徒者其冠魁其形守其道而盛之固不若
學佛者執於篤護視此乃有遺悞乎於是遂以丁亥年三月
捐俸募工先之以殿廡次之以堂齋巖宮又次之以戟門櫺
星門夫不役民財不費官越數月而工告成嚴厲觀其環宇
畢式渙者以羣怠者以惕官告侯之力也生徒嚴厲觀其環宇
侯之功不可忘求文於倫子以諒爲記之諒曰道弗基弗人弗依
化弗緣弗流萃也者人也緣也者時也弗基弗人弗依
吾觀陳侯之志會於此矣夫先聖先賢道之主也堂與舍道
之居也臨星道之戶也出此入彼思造其居造其思見其土是
舉也寧無豪傑之士觀感而興起者乎衍其教至於無窮守
其道至於不墜又何維栢重修高明縣城學記高明舊附郡城
其容以弗書何維栢重修高明縣城學記高明舊附郡城
後嶺西多故成化初請析高要三十五里爲高明邑於會寧
與平之間最爲要害邑城馬路原築以土歲久坎窞且卑隘
不足現備西南隅緣地勢傾仄自外至者率可超越往歲浪
賊蹂躪鄉井蒲擾城郭邑內海濱各懷危懼戍守患之又外
濠東南隅舊爲豪民佃涇城樓窩鋪營堡鎮寨儒宮祠宇日
益頽敝歲久不治民困山依而土靡寧習嘉靖丙辰冬苗陽
三橋徐侯來合茲邑既至察俗究竊以嚴輯豪右以惠子困

竊以明察茲而基之以恕以果達政而繼之以勤逾年政行
 之能籍勇夫以備土兵之用革添募以省冗食之費銳志保
 障爰及城池募工治費釐土費石培築馬路視舊崇五尺廣
 一似週城凡九千一百六十尺更築傾灰者凡四百餘尺迨
 漫湮塞潦道凡五百餘尺重修城樓為門者三窩鋪者二十
 由是城郭池溝截然險固乃修縣治諸所建置以次舉儒
 加意學宮自廟堂門廡及于齋舍因不崇飭敬一亭舊置儒
 學門外汚褻特甚乃遷建門內崇地四尺亭列三門名宦鄉
 賢二祠舊在北郭非制乃鼎建二祠遷祀學宮戟門內左右
 更二舊祠為談經別院以居諸生有志者建南北二隅社學
 下及鄉塾咸擇師以迪童習修睦舉闕飭舊增新煥然備一
 邑宏規財出於公不足則捐措處給不以擾民故上不以為
 費而下忘其勞由是有備無患寇盜衰息男者得以耕女者
 得以織通者日以集居者日以息商賈阜通庠序樂業邑之
 耆老俊髦感念侯之功相率謁予微言以紀不忘子素知侯
 且嘉其有為故樂道之侯請純字肖
 文福建莆田人嘉靖乙未九月既望

射圃在明倫堂後山上

學額

縣學十二名

內客童二名

廩生二十名增生二十名二年一貢通

皇朝月示
武生額照文章

吳志

學田

原額學田六十九畝七分

除納糧銀三兩五錢六分

尙銀一十五兩內除

原報毀屋二十八間缺銀二兩七錢八分六釐五毫

現行招墾另報

實在田六十九畝七分通計每畝徵租銀一錢四分九釐二

毫一絲該銀一十兩零四錢又屋地一十八間共租銀一兩

八錢一分三釐五毫共實徵租銀一十二兩二錢一分四釐

阮通志

良村田十七畝七分八釐五毫

一釐五毫 南河上截海旁房舖十八間

蛇塘田三十三畝五分

吳志

書院

玉山書院在文昌臺右乾隆四十二年閩邑捐建

縣志

知縣雷衍疇江璣詳撥文溢屯田一頃十八畝一分一釐零

除完糧外支給生童膏火知縣每年相送山長束修六十兩

阮通志

海文書舍在南門外河南岸道光七年附城十三鄉捐建

族訪

恩平縣

縣學舊在縣治西明成化十六年始置縣設學都御史朱英按察使陶魯創建大成殿兩廡戟門櫺星門明倫堂兩齋繼建尊經閣儀門號舍正德二年修建櫺星門嘉靖初教諭費頤修建儒學門未幾廟學爲颶風所毀二十五年知縣阮琳重建萬曆十五年教諭車鶴年建尊經閣於殿之東北十七年學圯知縣蔡標教諭龐一德重修徙泮池於櫺星門外後賊盜毀城併毀學宮故址蕩然無存國朝康熙二十一年

知縣左印奇議建立不果二十四年佟世男捐俸倡建復五

十一年知縣陳聖煜以舊址地勢卑狹與訓導涂憲泗邑內

紳士遷建東門外捐俸鳩工自大成殿以及廡門厨庫泮池

規制煥然後崇聖殿圯乾隆十三年知縣繆錦捐俸與屬內

紳士建復十九年又捐修青雲路吳志四十五年知縣李莖重

修嘉慶十八年知縣金錫曾率邑人捐修縣志

志

明陳默章新建恩平縣儒學記恩平在恩州之域國朝置建

恩平縣隸陽江縣今恩平堡是也立於成化之己丑先是西

僚入寇景泰天順間剽掠高涼以東亘數百里無完城民爭

起從賊遠遁巢壘相望成化改元聖天子念兩廣曩賊未平

命將討之而用其偏師於此鎮焉旣而賊勢復熾當道者以

恩平地四達難守簡我邑合鬱林陶侯魯素有威畧至則急

以慮其向背旣常即一旦復起爲患有如前日充其將何
救督兩廣軍務旣至環視列郡昔嘗爲賊所破者遂謀所以
善其後謂恩平故多虞且其地介數邑之間當東西路之衝
送往迎來民劬於道路者無虛日不如以堡爲邑便會我陶

侯亦以武功累陞按察使奉聖書專經畧是方公於是俾侯
威之區畫既定悉以上聞凡割陽江新興新會三縣人三千
戶糧一萬石縣仍驛名城以堡建無所改於舊城之中為治
戎之所東則縣治西則學宮既成諸上子遠近雲集學舍不
能容誦絃之聲盈耳過者嘆曰美哉洋洋乎昔為盜賊之壘
今為詩書之府誰之力歟邑令翁君驥以書來屬予記其事
而尤於學宮憊憊焉嗟乎翁君其知理民之本乎自有寇患
以來狼吞虎噬以殘民之生人所共知也湯沸火烈以賊民之
性未必知也顛沛流離死生利害於前而父子失其親兄弟
失其愛湯火之患不息爭鬪之情日熾則五品之倫五常之
性幾何而不與生俱滅耶故夫君子之政在於極民則軍旅
之興有時而不獲已在於防民則沮豆之事不可一日而不
講也今寇患雖平民俗未新邑長以是為政而忠信發之學
官以是為教而忠信導之諸士子以是為志而忠信體之習
端而俗正教立而風行民樂生而好亂者息士有恥而氣義
者眾則刑罰可省禮義可興固可不文謹具其事之始末與
盡矣而君之心不亦樂於斯乎予不文謹具其事之始末與
其所當先者以復君碑于學宮俾來者有考焉成化十八年

二月
壬寅十

國朝范成勳重建恩平縣儒學碑記天下郡邑學宮之設非
以壯觀瞻非以標創建所以教天下之學為聖人也三教首
趣殊途同歸獨二氏流弊繼揚墨而為吾儒病然而天下讀
孔孟之書者履二氏之庭踵事增華惟恐其力之不出於已
聖皇于三
建置學校

及過夫子宮牆目擊顏廢終不一動其心惑之甚矣故夫今
之世求學聖人于二氏之教者或易求學聖人于吾儒之教
者反難恩平佟令余中表撫軍佟公之三子英年筮仕能以
所得於父兄者見諸設施固有多者矣吾聞恩州從古選
謫安置之所歷爲盜藪明季以求盤踞蹂躪沿數十年學宮
官舍民居焚燬一空瓦礫荆榛塞郊市四境百里不聞雞犬
聲官是土者悉棲凹頭村苟寄一身而已迨康熙十有五年
始遷入城官署猶僅茹屋數椽而庭除草深一丈他可知也
佟令蒞任於癸亥之冬報其父兄書曰人視爲苦壤我視爲
樂疆居之恬然此人情所難哉聿云慕道糧強半遂出其北
來餘橐代之恬然此人情所難哉聿云慕道糧強半遂出其北
皇上重念濱海遷徙窮黎遺大臣巡界還其土田佟令復假
貸以補支應過宿邑境民若不知繇是除賊釐好勸墾均役
課士與文甫再期盛舉余適撫西粵聞其事且深爲之喜今
學宮實爲不朽之盛舉余適撫西粵聞其事且深爲之喜今
者余將之滇黔終令以書屬爲記余忝姻戚又當遠離道其
實亦所以勵其志故遂計之夫學宮之建也期於人之學聖
人也孟子曰人皆可以爲堯舜又曰乃所願則學孔子是聖
人者固可學者也君臣父子夫婦昆弟朋友無一不至誠者
是爲聖人也可學者也仁義禮智信無一不能知能行者是
一事中節節一事之聖人一念毋欺即一念之聖人苦不
學耳加之性泊於顛沛流離習成于鄙陋暴氣顧風行草偃
申命行事浸長平夜氣有不知其然而然者此佟令之所以
建學宮爲今日恩人引觸之通義也朔望之次又復聚父老

子弟於此宣講
聖訓恩人從是而化謂徒富貴功名之出乎此者猶淺乎其
視彼學宮也余日望
之俟令勉之是為記

學額

縣學八名廩生二十名增生二十名二年一貢阮通志武生額

照文章吳志

學田

原額學田四十六畝五分除納糧銀二兩外通計每畝徵租銀六分

四釐五毫一絲六忽共實徵租銀三兩阮通志

常年由學移縣解府學租銀三兩係向來定額實在學田
共三頃一項三則官民米一石九斗六升八則官民米三
石三斗二共歲收租穀九十籬係通學捐置除納糧外餘
租為月課紙筆茶餅之用一項三則官民米一石九斗
五升四合歲收租穀三十二籬除納糧外餘穀六石留學
公用一項舊學基地歲收租銀四兩八錢零二釐六毫
乾隆十一年詳准留學公用文廟朔望香燭費另油燈田
每歲批租銀九兩留為學校建置

共租銀一百四十三兩五錢零租穀約八十石俱闔邑捐
置為文廟燈油費公舉紳士輪流經理

縣志 吳志

學田
無

書院

南平書院在北門外乾隆二十三年知縣張安世捐建二十

八年知縣曾蕙遷於城東

縣志

土名象山坪等共九十七處稅六十一頃九十八畝零六釐

六毫九絲并聖堂墟地一所每年共租銀二百九十五兩五

錢正稅錢二十三千八百六十八文租穀一十五石五斗

文昌宮田共五頃七十餘畝歲收以祀 文昌餘為獎賞生

童之資紳士輪流經理

鄉塾

敦仁 在牛岡渡嘉慶三年仕崗都人捐建

咸升 在歇馬村東成墟上歇馬梁姓捐建

俱同上

廣寧縣

縣學在縣治東南嘉靖三十九年始置縣知縣韋弁創建廟學萬厯十一年兵備副使徐時可知縣黃南金修之廟廡戟門櫺星門啟聖祠明倫堂兩齋官廨學門咸備萬厯二十年知縣李先芳倡捐易巽門各柱殿門欄盾以石明季兵燹間多損傷 國朝順治十五年教諭黃金勝修復兩廡戟門啟聖祠康熙六年訓導鄧隆蓋葺殿宇重建明倫堂二十五年頒行萬世師表墨跡懸匾知縣黃金從教諭勞狝訓導李夢曾修建明倫堂之兩廡爲博文約禮齋復捐鑄爐壺設簋簠尊彝祭器咸備三十三年知縣甯堯采教諭黃廷璋訓導張孔嘉捐貲重建啟聖祠及明倫堂之兩廡三十四年堯采捐

修戟門復於殿前砌以碑石雍正十年知縣印光任率紳士

改建名宦鄉賢二祠於戟門旁志乾隆五十九年知縣張泳

倡邑紳馮廷表等捐修嘉慶十六年知縣陳洪建開青雲路

二十年知縣張其修監青雲路石牌坊縣志

國朝印光任重修學宮碑記畧廣寧山邑也隸嶺西肇郡明

嘉靖二十九年庚戌邑始建越二年乃建學寧之有學累百

餘年於茲矣中經廢修載在邑志本朝文治光天隆學校

興人材百畧之鄉化同鄒魯寧雖僻處雅志絃誦一也雍正

九年六月余以簡命宰茲邑下車視學惟是大成殿崇聖

祠廟貌具在其兩廡戟門及名宦鄉賢各祀室俱廢無存者

明倫堂櫺星門泮池泮橋外而賢牆內而齋舍又皆坍塌大

半祭器亦多不具因念學校不肅人材不茂緊宰之責其何

敢或緩時視事方新當次第以舉比三年邑治粗就民和時

豐爰進邑紳士而謀修焉捐俸勸助選材鳩工舊可仍者增

而新之毀不可支者拆而造之經久廢者一一重建之士而

圯者磚木而朽者石經始癸丑之夏告成甲寅之秋歲歷一

周資累千貫由是而殿而祠而堂而廡而門垣齋序欄盾池

橋上并主座神牌尊罍濯具悉巍以煥森以備事曰重修實

同新建慮無不計及百年非直一時觀美已也既竣恭進

先師設奠成禮紳士願有記因循其請而筆之以鐫石并列

襄事姓名於後云
年歲次甲寅仲秋上浣吉日

學額

縣學八名廩生十五名增生十五名二年一貢阮通志武生額

照文童 軍屯所學文武各一名雍正十三年奉例撥入府學 吳志

學田

原額學田二頃四十七畝六分三釐四毫除納糧銀一兩外通計

每畝徵租銀一錢六分五釐七毫五絲六忽共實徵租銀四

十一兩零四分七釐阮通志

撤覽都田一頃六十畝每年租穀三百二十石又鄉紳李
陳翰田一十六畝八分租穀八十石又諸生龐尚鵬輸田
二十二畝三分租穀六十石 吳志

書院

文治書院向爲義學舊在縣署前常平倉之南乾隆十年知

縣李本潔與僚屬紳士遷建於城中東南隅用加宏廓有田租乾隆五十九年知縣張泳暨邑紳遷建於城內西南隅道光三年知縣黃思藻倡邑紳捐修更今名縣志知縣黃金從捐買土名大巷等處共稅一百六十一畝七分一釐六毫五絲四忽六微三纖同上

開平縣

縣學在城內東隅立縣之始黌宮未建 國朝康熙六年知縣高子翼訓導祁士驊始倡捐創建八年訓導蕭正傳繼營之是年十二月大成殿告成二十年士民重修添建兩廡儀門泮池櫺星門啟聖祠明倫堂及名宦鄉賢二祠五十三年知縣陳還重修增建兩齋頭門禮門義路門加築四周宮牆規制始備乾隆十七年知縣葉重秀捐建禮門義路及擴修

青雲路

吳志

四十六年知縣厲純重修五十年知縣王淦又於

櫺星門外南向穴門三東西各穴門一中曰文明左右曰金

聲玉振嘉慶十七年知縣龔鯤倡議重修十八年知縣劉

陸塞金聲玉振二門改開西方丁門於櫺星門之右

縣志

國朝邵吳遠新建開平縣學碑記學校之設古先帝王所以

廣勵人材興起教化使天下士範圍於詩書庠序之中而曲

成夫仁義禮智之道其意蓋已深遠矣

今上垂拱二十年八荒賓服萬國攸同禮明樂備內自成均

以暨省會郡縣靡不文教聿興家絃戶誦倚歟盛哉惟是百

粵以南僻處嶺嶠邇來頻遭兵燹盛舍蕭條行且牧馬園橋

橫戈頻壁都人士之有志觀摩者不幾飽周道而徘徊觀官

墻而太息耶開平建縣三十餘載學宮僅構一殿况當紛擾

之餘卽一椽一榼所有亦半委棒葺矣官斯土者莫所以經

營垣墉壁茨丹雘厥惟艱哉

邑侯韓自丙辰春蒞任以來有

志未逮每懷愍愍起閱數載庚申秋侯欣然曰今日者雖未敢

云政通人和民安物阜第較之疇昔庶幾其訖可矣則新茲

廟貌奚敢或後爰集邑中紳衿耆老相度地理庀材鳩工捐

資首創計戴星經畫不辭勞瘁凡十閱月而告成堂廡殿陛

悉合規制周旋俯仰之間煥然改觀是役也公不細帑私不

病民卽紳衿題捐亦聽之而已俟洵能以一身之黽勉立教

館

學

校

置

學

置

學

置

學

置

學

置

學

置

學

館

學

置

學

置

學

置

學

置

學

置

學

置

學

置

學

置

學

置

學

置

學

置

化之本原者也特貞珉石用告將來蓋粵東素稱海濱鄒魯
開陽萃三邑之人文蔚然彪炳爾多士之列名膠序登庸仕
籍者處則懋誠正之功出則建治平之業勳名樹於今茲芳
聲傳於後禋庶上不負朝廷教青之恩下不負令尹作新
之意耳當落成之日適予奉
天子命掄村粵東侯亦有分較之役迺得備知其詳是為記

學額

縣學九名廩生十五名增生十五名二年一貢阮通志武生每

試取七名吳志

學田

雙龍村等處田九十七畝九分七釐四毫八絲遞年租穀
一百六十六石六斗內書斗穀三十六石兩造赴學繳納每年
納糧銀四錢一分九釐另耗銀七分二釐九同坪等處
共田三頃二十一畝芋地嶺村前後田共一頃四十畝
村後對面岡田六十畝王賜廟大背地二處田三十
畝零八分租銀一兩二錢白石岡等處田一頃五十畝
租銀四兩八錢以上各項兩造各佃赴縣繳納紳士具領
作為文廟公用紳士經理縣志

書院

桂輪書院在今學宮之西乾隆十九年紳士里民捐建四十六年知縣厲繩因修學宮價售其地改建學署於學宮之右

縣志

義學

蒼城義學在學宮之東乾隆四十九年知縣厲繩建講堂三間學舍二十二間每歲由縣延請山長束修由義學官租支送

各處租銀一百八十餘兩租錢八千有奇租穀一百觔兩造各佃赴縣繳納爲義學公用

俱同上

鶴山縣

縣學在城內東南隅大成殿一座東西兩廡前爲戟門爲泮池又爲櫺星門外爲聖域後爲五王殿東爲明倫堂右爲名

嘉慶府志

志縣

國朝

焉

阮通志

武生額

照文童

吳志

雍正九年議准新設鶴山縣照小學例歲考取進

文武童生各八名科考取進文童八名於新會縣原額二十
五名撥取五名於開平縣原額十二名撥取三名歸新設縣
學肄業乾隆五年議准鶴山縣設學有年應設廩生額數但
該學生員現不滿八十名內尙有新開二縣撥入舊廩四名
舊增五名若還准額設廩增各十五名未免太優應照新設
小學例設廩增各十名先儘新開二縣原撥之舊廩四名舊
增五名補實餘以考列優等者序補至出貢亦將舊廩四名
按其補廩年分應出貢者先儘挨次出貢其新補廩生照新
設小學例俟十年後三年一貢將來人文加盛題增額廩之
日再照縣學例二年一貢遇拔貢之年照例一體選拔

阮通志

書院

鶴山書院在縣署東北原大觀田同知衙署乾隆七年裁同知知縣阮懋詳請改爲書院十五年知縣張甄陶購書置學田

陶黃二公書院原在縣署西乾隆十九年知縣劉繼率士民改建於鶴山書院之左俱同上道光四年併其地入鶴山書院

縣志

原撥鍾運三案稅田五十四畝三分二釐莫休現案稅田九十二畝三分一釐乾隆十一年詳撥李繆興盜墾官田私頂何漢洋稅田一頃零一畝十五年張令查出原撥學荒數頃現在清理前田官爲收稅除完糧外俱供師生膏火

吳志

羅信蘇興主何棟廊英錫李健各案田一十四頃六十七畝零知縣黃大鵬詳請將各田每畝歲收租穀五斗除納稅糧

外存貯備修葺城垣壇廟衙署義學及民房水火偏災公用
乾隆十五年邑令張甄陶購書將書目榜示諸生分列東
西兩厨貯之

縣志

義學

蟠光義學在古勞都祿洞村邑民李氏捐建並置學田知縣

劉繼有記

阮道志

崑陽義學在古勞都沙坪村乾隆十九年知縣劉繼倡士民

捐建

縣志

崑南義學在附城都禾谷坪墟乾隆二十七年建

維敦義學在昇平墟乾隆二十五年建

俱同上

德慶州

州學在州治東六十步舊德慶府儒學創建於城東五里紫

極宮故址宋元豐四年遷今地慶元初郡守趙師璉置書及
學田紹定淳祐間郡守陳宿馮光增置學田元至元末教授
林舜咨建大成殿尊經閣同知王榮祖樹明倫堂總管孫輔
臣增修之明洪武九年改爲州學正正統中提學彭琉命判
官朱智修建殿廡重門及雲章閣知州謝必賢繼起堂齋成
化間知州李瑛周儉管清增修宏治三年知州王淮重建尊
經閣號舍戟門厨庫十五年知州楊榮重修殿廡嘉靖十五
年知州陸舜臣重修二十一年知州吳汝新重建殿廡改繫
泮池增修學內號舍三十六年知州徐鉉增修殿廡四十一
年知州楊徵以學基低窪患水改守備司即今守爲儒學其
右元妙觀即城隍廟改先師廟後以科第稍衰萬厯二十九年知
州沈有巖復遷舊址即今州學三十一年雷震聖殿署州事通判

陳益謨重修崇正八年知州商朝仕學正黎遵指復倡紳衿
重修移啟聖祠於戟門之左 國朝順治九年知州饒崇秩
以衆議欲改遷於舊廨備倉之左未果康熙五年學正梁宗
典倡率重修六年知府熊啟裔七年知府蔣應泰教授黃夢
賚繼修三十二年知州王基翬與紳士在 文廟後創明倫
堂一座五間四十一年署州蔣宗瑜四十九年知州李育熊
五十六年知州張安鼎先後增修五十八年安鼎又捐修明
倫堂改爲啟聖祠雍正元年改崇聖祠東建明倫堂雍正十年學正邱
之澄倡捐重修提學陳德華撰文勒碑十三年知州祖德宏
增修乾隆十六年副榜李珊捐修崇聖祠改修櫺星門撤外
屏墻易以石欄杆重建二坊吳志三十二年建尊經閣五十三
年紳士李英潤等捐資重修拓建文明門及青雲路坊嘉慶

二十二年西潦後署州章子之捐修櫺星門石欄杆及兩廡

牌位尊經閣州草

明侍讀江朝宗重修儒學記人稟天地之氣以生有是形即有是道道不外乎仁義禮智信而人行之父子君臣夫婦長幼朋友之間乃所以盡爲人之理也古昔隆盛治教休明人之末憫斯道之所在後世漸不若古由斯道者鮮孔子生東周之末憫斯道之衰周流列國倡明斯道以淑人心使人知其道之不可以須臾離者也自時而君主乎天下者莫不設置學以教人建廟宇以祀孔子自我太祖皇帝以暨列聖相承益欽益至於乎盛矣德慶州古晉康郡今屬廣東肇慶府其學舊在子城東五里宋徙郡治左距子城六十步洪武永樂間重建至正統初提調學校僉憲安成彭公琉視廟學皆已頽圯遂命州判朱智修葺厥後知州謝必賢周冕李瑛周倫相繼以新之積歲既久而腐敗日滋成化己亥南陵管公名淳來知州事廉慎簡正其才通碩進謁先師退就學館乃喟然嘆曰學宮之敝壞一至此哉夫廟學不修何以稱朝廷崇聖道育賢才之意於是謀諸判官閻泉莊偕命工市材爲之白禮殿門廡雲章泮池及會講堂肄業齋庖廩解舍故老易之以新凋者易之以良規模宏敞視舊有加綵繪煥然不浮於度經始於庚子之春告成於辛丑之冬同知八桂蔣公智學正蕭田黃公紀訓導雲間金公聲古田張公准具其事請記之石予惟廟學之興廢係有司之哲愚敝而不修有司

不得其所以教爲之責幸得良有司者作興之矣苟爲之師者而知
 其所以安見有不明者乎充是道而用之而國家而天下則
 雍熙太和之盛治豈有不臻者乎故并書以記之
 國朝陳惠華德慶州學記德慶州學重建於明萬曆之癸卯
 年歲久撤剝僅存故址雍正八年余奉
 命視學粵東檄查郡州縣學宮之有傾圯者前牧王玉濬陸
 其鵬以報併述州人士樂輸資以助修葺狀余甚遽之而以
 學正邱之澄董其事又飭擇州人之有德者協理之鳩工於
 雍正九年三月落成於十年四月經營締造備極完巧既訖
 工將勒石以記其事學正邱之澄因介新牧祖德宏來丐文
 於余余嘗謂國家建立學校原以集民之秀者而陶鑄之以
 成其才而資其用故必慎以選之度其質之可造材之可用
 而後納之學匪是弗納也又必擇經明行修之士爲之師使
 知所董勸而勤於所事然無以居之養之恐不能終其業也
 於是廣其習禮肄業之地有學舍有講堂有經閣有致齋之
 室有會食休宿之廬有庖湑倉庾之所而又資其食用歲有
 緡錢之賜月有廩米之置以至田租屋課息錢之類靡不收
 之以佐學者之費師生聚處講習其間未嘗刻期以迫之也
 聽其日濡月染而俟之數十年之後以要其成其成也天地
 文物之理靡不究而備以應公卿大夫古執事之選亦靡所
 不宜蓋國家之造士重以周而爲之必既其實因有以厚士
 氣而收人才之用於無窮此先王開設學校之意也三代而
 降郡州縣皆置學漢唐宋以來問有之至明之世大備然其

制雖備而學之實茂如也博士弟子務廣收之而使之隸於
學幾如一閭之市譁然固辨也居廨之士舍不足以容廩米
之供不足以養雖有董學之員而以不事事之人爲之爲生
徒者從有司春秋釋奠外輒敢散去青青子衿所謂名存實
亡爲言龐行雜之徒而以爲無所用嗚呼韓子所名存實
亡失其所業者此也將學校之設不幾爲贅疣歟方今
聖天子加意以崇儒革其前代之不然者而敦其實以還三
代之遺下舉黜優劣之
詔使納於學者皆正士而又慎簡經明行修之員俾之實董
厥事肄業有程務序生員於學舍中而厚其廩給以養之是
以州人士俱知興於學而併因之以修廟貌也其徒以爲觀
美乎抑將聚處講習其問而知所陶鑄乎余固推本國家建
學之實并
聖朝作人之盛以告州人士而又勉州人士之鼓舞從事於
斯而無忘所急也因
不辭其請而爲之記

射圃原在今儒學左明正統六年知州周冕移於廣惠門外
西城下萬厯三十年知州沈有巖復久廢崇正五年通判王

之肱修葺

吳志

學額

州學八名廩生三十名增生三十名三年兩貢阮通志武生額

照文章吳志

學田

原額學田二頃二十四畝九分三釐四毫除納糧通計每畝銀八錢

徵租銀一錢零八釐八毫七絲六忽其實徵租銀二十四兩

四錢九分阮通志

學米二百一十石二斗二升五合七勺 學租銀每年解 督學院銀二十四兩四錢九分 吳志

書院

青雲書院在北門外康熙五年知州秦世科建三十二年知

州王基輩增建并置田租雍正十年知州祖德宏將田租撥

入義學乾隆四年楊翼成又將租撥入東城書院阮通志嘉慶

二十三年署州章子之修州草志

東城書院在忠順門右乾隆元年知州祖德宏倡紳士謝光

國等建

阮通志

嘉慶二十三年署州章予之修

州草志

義學

義學在文廟東康熙五十八年知州張安鼎建雍正十年知

州祖德宏將青雲田租撥入

阮通志

書院義學雍正十年知州祖德宏將書院租一百石撥入義

學知州馬國鏐將雲利逃田租撥入義學書院兩處乾隆十

七年署知州武啟圖據紳士議撥租一百石歸儒學為生員

月課之資其餘租穀三百餘石塘租錢六千文義學書院勻

支

同上

封川縣

縣學在城東八十步舊在縣東山一里宋建隆元年建皇祐

四年燬於僞寇遂遷今地嘉祐三年州守田開以其狹隘遷於城西小了嶺屢被水患熙寧六年州守俞斌復遷於東山故址紹興七年州廢學毀十一年州復知州黃琮建復兼置學田後士子病於涉水三十一年州守楊王休徙復今地咸淳七年教授張驥重修元至正三年達魯花赤月魯帖木兒重修明洪武二年改州爲縣因改州學爲縣學永樂八年縣丞歐必森新之十二年縣丞楊隆重建廟學天順四年寇燬僅存殿廡堂齋成化五年知縣萬顯移明倫堂及兩齋於後地之爽塏者宏治十八年知縣張琇重建廟廡櫺星門正德四年知縣黃瓊建學門六年訓導郭纓捐俸重修及建尊經閣闢泮池嘉靖四年知縣潘海重修又建射圃十三年知縣周英修葺並高築明倫堂地撤而新之三十一年知縣郭起

賢建敬一亭四十三年洪水衝壞知縣唐時雨大加修庀隆

慶六年櫺星門壞知縣陳起耕修之萬厯九年知縣周日選

重修十九年知縣黃懋中遷復東山故址三十五年嶺西兵

巡道陳濂命知縣唐民拱徙建於今處即舊分司并府館故址殿廡門

池橋俱備四十五年知縣方尙祖捐俸葺繕四十六年更為

恢闢吳志國朝康熙三十八年知縣劉衛遷今地距城稍近

雍正十一年奉行修葺殿廡明倫堂及名宦鄉賢祠乾隆五

十年知縣彭翥倡紳士捐修遷崇聖祠於大成殿後又建景

奎書院增建號舍縣志

宋治應徵重修州學記魁星現南海之歲七月既望有鶴袍詣開府日某封士也雖小亦詩書文物郡邑有學歲月云遠殿廡堂府日以段圯資陽張君驥典敘未幾慨然以興廢為己任悉撤而新之工告畢求記以垂不朽余辭曰臺閣多事自有郡侯在士又曰封舊隸晉康郡先生前守康則封為治也且提學總一道文衡願嘉惠封學其勿辭遂取公牘攷

之學創於嘉定庚午距今周一甲子南方木植不堅久必敝
敝必改爲常事也矣庸書抑六十年間司政教者曾不一動
念得非職教者有是心或憾於府命之未遑爲政者有是志
或窘於郡計之未裕因循迄今張君博士護郡符合政教爲
一一致視學教如一家規模鼎新是則可書也今視禮殿翼如
眎講堂巍如兩廡從祀郁郁乎文齋廣應涵秋秩斯舉問材
木安取則市諸民產問工料安出則取諸鄰郡問材穀安仰
則師弟捐俸縮費以成經始於庚午季秋畢工於辛未季夏
一錢不支郡帑一丁不役郡兵此又難之難者寧不可書乎
竊惟斯文之在天下猶水之行地中雖窮崖絕島猶可鑿井
得泉忠人力未至耳仲尼之道果與王化遠邇歟學無大小
得人則興事無難易有志則成學技之新美人物之魁杰莫
不有數存乎其間神而明之存乎人今君相立賢無方五嶺
以南大魁出焉列城多士意氣軒豁而封學適成非數而何
訂之郡志唐大中問封人莫宣卿嘗魁天下然則天荒之破
封已爲之先其可小吾封學哉有賢師儒以作成復新泮宮
以涵養之封士來遊來歌豈但以培植氣節蓋將躡激龍吟之水
以沈浸問學登忠謹之山以培植氣節蓋將躡激龍吟之水
武以發山川張大之氣斯無負張君期待之盛意提學者有
榮焉毋謂華高企而齊之毋謂封小張而大之二三子勉諸
士曰唯於是乎記咸

清七年八月一日

元鄭時中重修封川縣儒學記自修道之教立環四海而莫
之遠更千萬世而莫之能易也爲君者資之以立其國爲臣

者資之以事其君爲學者本之以修德爲政者本之以明刑
匹夫山之而身不裁數世保之而家不破十室之邑守之而
邑不壞雖八荒之遐九夷之陋無能舍之而別爲之理者蓋
違之禽獸同歸易之冠裳倒置稽之古今未有數彘倫而不
敗亡者皇上加封詔謂先聖非孔子無以明後聖非孔子無
以法大哉言矣聖人所以儀範百王師表萬世天下郡縣廟
祀無窮非苟然矣 嶺以南封川廣東之西郵也西有崗寇
之擾東有山獠之虞并軍屯征所無虛歲其民苦于支吾困
於供億非有賢牧守善政以寬其力苦教以結其心幾何其
不胥亡于盜寇之區哉然則爲封川者亦甚難矣復改至元
之三年二月奉議大夫月魯帖木兒來任是州實居牧領別
境理禁戒諸將嚴戍卒兵不害農勤餉調謹備禦賊不犯境
民謂夫子廟庭迫隘春秋朔望祭奠獻官執事無所容立殿
堂齋舍門廡悉燬弗修慨然以興學爲務乃捐俸率先定
議改作集講堂之基以建殿卽書樓之地而爲堂迫者以舒
隘者以闊授徒有齋儲粟有廩重門修廡登推環垣是年七
月經始而州之守朝議大夫石抹伯顏達兒克贊之命邑令
董其役飭司直任其勑復土之占籍三十有三人資其費故
歟不及民勞不及吏明年八月告成幕屬吳宗遠以牧守命
述事之辭請爲記之惟人之信義出於性而俗之美惡成於
習率之以仁而仁者性之正率之以暴而暴者性之溺耳肆
暴於已而望仁於人人不親也移性於習而稔惡於身身之
裁也是故古之君子無橫政而有身教必使吾之信足以得
民之信吾之義足以得民之義民故習善而恥惡勸力而服

役事親孝而事上忠不從亂以幸生不觸法以冒死思完其
家以世其子孫又何有敗亡之既哉今封川牧伯之政能使
兵農相安鄰冠退屏民忘其勞以濟厥艱而且興學官以崇
聖教其殆庶幾乎是也後之司政教者誠能作養多士以倡
率其民使之知聖教之不可違易教倫者之必歸於

明黃愁中重建東山堂廟學記畧邑學舊在村川城外湫陋
編迫不稱厥度且其地居瘁下水潦時侵殿宇日就傾圯州
人欲改作新學久矣而邑小賦薄未敢議及乃者觀察副使
分憲嶺西姑蘇黃公巡歷至邑目擊廟學傾圯狀屬前令新

之業以帑虛中輟會不佞中甫下車黃公卽申前議合亟圖
之於邑之士民遂請改作新學而樂輸私貲以濟公帑之費
子仰承前指諷日相度得今東山故址負山俯江土剛而陽
風氣爽塏可以妥靈青士遂定遷焉因其達之督府臺察督

西門樓若儒學門若影牆以及齋舍庖漏各以次第理而教
一亭閣巍然踞山之高俯瞰聖廟規制巍然改觀矣以次年
八月功成邑大夫士庶僉謂茲舉也實舉四百年之陋陋而
光大之請予記其事以告來者予謂學之於教大矣然先王

之法詳而密而其成材也多後世之法簡而直而其成材也
少夫其詳而密也宜若當時之難於服習而其簡而直者宜
若其便於遵守然而人材之盛反不逮古人者何也先王之
法上自天子之畿立之四學而諸侯之國亦莫不立學於其

邦自離經辨志以至於論學取友視之有等也爲之簠簋俎豆以繁其飾爲之周旋罄折以熟其儀爲之詠歌舞蹈以發其志而四時之妖邪食饗出兵受成獻俘訊馘養老與賢無不在學其法可謂詳且密也要之皆所以發其聰明耳目之用使自得其本心之真通其筋骨節脈之會而日趨於道德性命之途其教之入也使人優游漸漬而不自知其化於上之合也亦日長月益而上不知其所以然故曰博我以文約我以禮學至於約則其操術也不亦簡而要乎國家學教之制自王畿達於郡邑制令入學者各治一經非有古者絃誦六藝之繁也督學憲臣歲一視之第人材之高下非有日省月試之頻小成大成之別也三年錄其賢者而賓之鄉薦上之於春官獻於天子而官非有闕里之書論秀升選之等也歲時之祭祀飲射具文而已於先王所以造士育材之具亦且視之爲長物而不復講而惟誦讀章句之是事何其簡而且直也然自科目之習興而學者工於捷取速化之術詩書帖括日新歲變令學者朝而習之夕而記之垂髫之童便以爲志而此心之靈明憧憧然分於詞華之習得失之途千變萬化而不自覺一旦偶得舉其所業而弁髦之何暇責以道德性命之旨也此其詳而密者不在於上之法而在於學者心術之微也時萬曆辛卯仲春

射圃在學宮右

吳志

學額

縣學八名廩生二十名增生十四名二年一貢阮通志武生額

照文童

吳志

學田無

同上

書院

景奎書院乾隆五十年知縣彭翥建

阮通志

康熙四十二年署知縣吳永緒捐建撥堰塘租銀二十兩乾

隆五十年知縣彭翥遷建有官埭松樹根等處田二十六畝

有奇共約租穀二十餘石縣前檯租銀十二兩窑地租銀十

四兩舊書院地租銀二兩八錢

同上

文德書院在文德鄉錦衣岡嘉慶二十五年建知縣程含章

有記

採訪冊

開建縣

縣學在縣東半里舊在縣東之荒山三里今一都大岡是也
前有田一段俗名學門田元末燬於兵明洪武三年主簿郝
暹創建八年知縣龔行徙於縣北一里五顯廟之左其時登
科者多後圯於洪水宣德八年署縣事典史張嘉惠又徙於
縣東南百步成化十九年教諭陳瑚請於巡撫都御史朱英
遷於城內東隅二十一年知縣廖賓重建殿廡戟門櫺星門
明倫堂饌堂兩齋號舍庫房咸備嘉靖十年署縣事典史黃
世澤建啟聖祠十五年知縣呂賓增置號舍二十間三十九
年通縣父老諸生因本學自遷城內地勢卑隘科目不興建
言於按院潘季馴提學楊載鳴俱可之知縣陳廷舉特建於
今所資俱義助不動公帑萬厯四年知縣胡希寅修葺崇正
九年訓導陳振翮倡捐重建 國朝順治十四年教諭鄭茂

惠重修康熙九年知縣張冲斗復修二十三年知縣姚從智

捐倡重新

吳志

二十九年知縣邵龍元捐修雍正十三年知縣

楊宗乘倡修嘉慶十七年知縣熊輻倡紳士等捐修於十八

年竣工道光三年知縣余瀚倡修

縣志

明李義壯改遷儒學記開建之學其來尚矣舊設下縣東之荒山去縣三里而遙唐大中五年莫公宣卿由此崛起以魁天下宋元固之國初洪武八年知縣龔行乃改設於縣治之北去縣一里而近詩潰於洪水宣德八年署縣事封川典史張嘉惠徙於縣治之東一百步成化二十三年知縣廖賓乃徙於城內東隅卑隘隨剝土氣弗振嘉靖三十三年知縣廖賓乃陽陳延舉來知縣事謁而嘆曰是何足以改時游息而起瞻嚮也今日之政尙有急於此事耶即慨然以改作爲已任先謀於教諭陳君旦訓導諸君縉又謀於縣尉黃君朝祿暨諸鄉士夫弟子員度於城外得園子生陳類勝地一區而以舊學半易之周原宏塏形勢軒豁得陰陽之中占一邑之勝龜筮既從人謀允協侯乃節縮浮費經度財賄首捐金三十二兩於是通國上下翕然興起各出財力貧富爲差具告於督學副使楊公載鳴巡按御史潘公季馴而皆可之越明年庚申春二月之吉遂以卽工表位置定規模中爲先師殿爲兩廡爲戟門爲櫺星後爲啟聖祠爲明倫堂爲名宦祠於堂左爲

鄉賢祠於堂右為敬一亭以備新制為學舍若干楹以待士
 之來修業者已而神廩神厨枝生封剗之房潔齊之廬罔不
 完整財不官廢役不農妨廟貌有成不奢不儉非復舊貫之
 仍陋矣又踰年幸西正月侯釋菜而落之訓導吳君鎬宜閣
 邑乘成之情而使李生仁輩來問記陳生類再以為速子不
 辭則為誦所聞以告焉記成適教諭李君金之任遂命匠鐫
 石以永其傳子以是知學之闕大也春秋禮樂冬夏詩書與
 夫飲射讀法義老合樂勞農獻賦靡不資學以行而古先聖
 王誰不重焉首務今聖作物睹壽考作人庠序之教無論三
 代一時字內治化為新人文蔚起而諸當道郡邑誰不仰承
 德意嚮往宮墻重道崇儒彬彬濟濟若今陳侯者約已裕人
 訪躬訓士闕里社習鄉射養老尊賢比及改建學宮尤躬殷
 迪而淬厲之所由菁莪械樸大有造於開建非耶夫天地清
 淑之氣一也膏於先而豐於後尊於彼而予於此有若晦明
 寒暑然予安知建之異日不將雲蒸霞蔚有若宜卿其人者
 出以應天開之景運耶聖人久道化成之機賢士出潛震奮
 之會端在茲矣余固知陳侯之有造於建而亦爾多士龍興
 虎會之期也多士其品諸時嘉靖四十一年歲次壬戌吉日
 記

學額八名廩生十五名增生十五名二年一貢
阮通志 武生額

照文章
吳志

學田

黃旗南等處田一十畝每年租穀一十七石
大龍田等處共租穀七千八百三十六石
田地魚塘共租銀一十兩零六錢
同上
平灘田等處
縣志

書院

儲元書院在城內新街

阮通志

卽狀元文塾

吳志

歲入租一百十六石七斗二升

阮通志

南靖書院雍正十年知縣楊宗秉修明倫堂堂之前爲東隅

義學新之顏曰南靖書院并撥雲塘墾復官田每年餘穀三

十石及紳士捐置田畝爲諸生膏火交紳士輪值經理

縣志

道光三年知縣余瀚捐俸暨紳士簽捐買受各處田地共稅

米一石零三升合前所置各田交值年首事管理統歸南靖

書院項下支銷

同上

鄉塾

狀元

登龍

俱在南門外

吳志

肇慶府志卷六終

高要周汝珉校字